



京師坊巷志

ル 5  
3237  
5





1888

大清光緒十四年  
 閏五月  
 初五日  
 庚子  
 六月  
 初五日  
 庚子  
 六月  
 初五日  
 庚子



六  
 十六  
 六  
 六



門 几 5  
3237  
卷 5

京師坊巷志卷九

京師坊巷志卷九

義烏朱一新同撰

江陰繆荃孫同撰

吳興劉承幹重訂

外城南城

廣寧門大街

俗稱彰義門大街義或譌儀彰義金之正西門也井  
十一韋馱庵井一老君廟井一迤東直宣武門街有  
市曰菜市口刑人之所井一菜市汛在焉少西曰柴  
炭市曰灰市曰草市曰糧食店西城正指揮署步軍  
統領所屬南營游擊署俱在南北有增壽寺西至斜

京師坊巷志卷九

一求恕齋

昭和十六年  
六月六日  
購求



街口有廣恩寺元之大悲閣也又西爲廣德寺有洪  
洞西晉河東貴西揚州諸會館南小衞衞曰南馬道  
曰雙馬市曰鑿子衞衞曰南駱膊園北小衞衞曰北  
馬道曰連連房曰鈴璫衞衞曰王子墳明宗人塋地  
在其後井二曰豬巴衞衞井一曰靴子衞衞曰北駱  
膊園井一曰口袋衞衞曰石虎衞衞曰增壽寺西夾  
道井一曰夾道居曰活樹林曰芝麻店井一

藤陰雜記王樓村式丹慈仁寺東揚州會館移居  
詩大地鄰虛總一塵冷官隨處可容身栽花樹柵  
閒中事愛酒憐詩我輩人桑下定惟三宿戀槐陰

也作兩家春卻思舊雨東西路千萬還應更買鄰  
揚館今在菜市口離慈仁幾二里許劉大山巖贈  
樓村移居詩碧山堂裏老尙書二十年前此卜廬  
案揚館舊爲江甘儀館徐乾學碧山堂見北城  
館蓋其舊宅也 萬厯沈志增壽寺在宣北坊有  
敕建碑 藤陰雜記西城飯廠設增壽寺錢飲光  
澄之到京寓寺詩一路風塵滿鬢華解鞍便宿老  
僧家房留官坐監施飯店與人開帶賣茶庭樹午  
餘時繫馬鐘樓日落亂棲鴉五更不睡驟車過鐸  
響鈴聲枕畔譚知康熙初年捨飯卽在此寺 宸



垣識略懺園在增壽寺夾道貴撫王燕別業今尙  
存毛奇齡有游王大中丞園林詩 案燕爲 國  
初大學士王熙之弟萬光泰游懺園詩小巷大街  
東園居近佛宮殘蟬斜照後獨鳥亂煙中樹老藤  
全白籬荒棗半紅曲池無寸水彈入雍門桐近更  
鞠爲茂草矣 析津志聖恩寺卽大悲閣閣祠大  
悲觀音菩薩寺後有方石聳八角塔窮漢市在大  
悲閣東南巷內蒸餅市在大悲閣後披雲樓在大  
悲閣東南騰粉市在披雲樓南金臺集大悲閣榜  
虞世南所書遼史太祖援石晉自潞州迴入幽州

幸大悲閣指白衣觀音像曰我夢神人令送石卽  
爲中國帝卽此也因移木葉山建興王寺春秋告  
賽尊爲家神 金史五行志大安二年十一月大  
悲閣幡竿下石隙中火出高二三尺近之卽滅凡  
十餘日自是都城連夜燔爇二三十處三月閣災  
延燒萬餘家火五日不絕 春明夢餘錄披雲樓  
題額是金章宗手書上有遠樹影雖風雨晦冥皆  
見 案大悲閣在金元時最爲名刹宋張甫嘗使  
窩羅虎給元將俚若奴飲於此推使投閣幾斃又  
元至正閒京師大疫宦官扑不花於此設醮事各



具本傳舊聞考尙稱爲聖恩寺近復改作廣恩門  
額書道光十一年重修或卽其時改名也寺已頽  
敝舊碑無一存者閣與塔皆久廢披雲樓據志言  
當在今右安門內舊蹟無可徵矣 蔡條北狩行  
錄太上北至燕京寓延壽寺嗣濮王仲理以下別  
居仙露僧舍 燕雲錄嗣濮王以下宗女等千八  
百口至燕山仙露寺日給米一升半月支鹽一升  
二聖同聖眷起發中京金人納絹萬匹道君分賜  
百五十匹與仙露寺宗室作冬衣 案仙露寺在  
菜市西諸志皆失載 國初居民治地得遼天祿

三年藏舍利石匣旁有釋志愿記始知此地卽寺  
遺址記後干人邑三字蓋社名也事見析津日記  
又元王恂有商鼎歌其序謂仙露寺僧藏商鼎有  
年燕士張文季好求古器不惜百金易而得之見  
恂所著秋澗集 曹學佺名勝志婆娑亭在彰儀  
門內元馬文友別墅也春明夢餘錄文友又築飲  
山亭 七人聯句詩集陳一夔贈趙栗夫詩菜市  
街西新卜居豆棚瓜蔓共蕭疏胸中富有書千卷  
誰笑家無儋石儲 案馬文友趙栗夫故居今皆  
無考



爛麪衙衙

亦作爛  
眠井一

西有水月庵井一東有廣仁堂乾隆間大學士史  
貽直故宅也舊額猶存有濟南元寧常昭諸會館  
東小衙衙曰紅羅廠井一西小衙衙曰九閒房曰  
水月庵夾道

寄園寄所寄錄京師二月淘溝穢氣觸人爛麪衙  
衙尤甚深廣各二丈開時不通車馬此地在憫忠  
寺東唐碑稱寺在燕城東南隅疑爲幽州節度使  
城之故塚也 案唐采師倫書重藏舍利記稱智  
泉寺在子城東門東百餘步大衢之北智泉寺卽

大雲寺今已廢據夢餘錄言在憫忠寺前此地有  
唐時故塚說宜近是 躬恥齋詩鈔道光二十年  
始以山陰會稽別館爲越中忠義祠建閣其上曰  
正氣閣明年春稷辰始集同人春祭爲詩紀事自  
注閣在宣南坊爛眠衙衙自建閣後忠義之靈甚  
赫有居之者其人不潔見古衣冠滿庭斥令移出  
人相戒不敢慢 藤陰雜記接葉亭在爛麪衙衙  
中閒湯西崖少宰居焉賦詩云中丞宰木拱大令  
宿草深注四十年前傳兩臣感丁中丞居此沈礪  
房大令嘗寓云西崖詠齋中草木至五十二首可



謂蕃矣雍正時張南華鵬翀居之賦小集牛字韻  
八首乾隆丙辰鴻博徵士來京若杭董浦周蘭坡  
申笏珊恆集於此周送翁朗夫照詩嬌眼古巷聯  
裙屐接葉高亭發嘯歌丁巳沈椒園侍郎寓吳少  
司馬應綦招同人讌集首倡徐恕齋以升贈侍郎  
詩牀休論上下解各占西東又有感懷次吳少司  
馬韻詩周西廉天度感懷云青棠如綫草如煙閱  
世眞成浩劫前日下林泉皆若此人閒壇坫亦淒  
然蝸行蠹壁餘殘壘蟲網疏窗能輓弦熟客不來  
賓從散春風夜雨落苔錢極寫荒涼之景後爲查

中丞禮祝芷塘德麟寓稍葺治請王蓬心宸繪圖  
徵詩李羹堂調元八疊和韻今歸吳漪園太史裕  
德 笏山詩集自注丙辰秋冬之間厲樊榭沈東  
甫沈幼牧廷耕石汪槐塘諸君同寓於接葉亭  
案蔣士銓有查恂叔太守招飲接葉亭看丁香詩  
查氏銅鼓書堂集言移居宣南坊庭多雜樹古藤  
數本蔭屋二三間足供憩息復有接葉亭詩碧玉  
山房詩自注山房在東城今莫知其處矣又朱笥  
河集有書祝芷塘接葉亭卷後詩歷舉前後寓公  
足補藤陰雜記之遺詩略云前輩懷清公掌院事



初攝文光果詩奏宸什和密葉黃公序其集清絕  
心所愜曰卉木竹石所居勝洛鄴嘗自詠齋中五  
十二首捷大椿歌頻見嘉樹筆亦涉感歎傅中丞  
宰木隔郊堞四十年儻去彈指不堪捻又云徐氏  
園王癸逐游屨歲六十重居旁舍新拓輒如何華  
屋處零落又在睫人傳爛麪衙卽公跡所躡後來  
張詹事憩吟髯如鬣寶愛著六吟一亭笛更撼松  
江張氏住花樹手整攔地古山精藏黑夜人臥麗  
妙正真人符驅之行蹠躡擲繩空中步姍姍露珠  
級久之亦絕怪懔慌疑電曇少選查太守丁香春

卷絕時從粵西歸葉唱簷低接工詩趙舍人拈鬚  
坐妥帖早歲翰林祝渺焉停履屨湖山繼前輩香  
草此爭拾煙雲忽無端良會殊鵝鵝翰林移居去  
東鄰謝舊業王住畢行行分陝山之俠迢迢查與  
趙西南邈天脅此圖又何常過眼吹浩劫 畢沅  
靈巖山人詩集自注祝芷塘移居接葉亭距余廡  
樓相去數武 翁方綱復初齋集移居詩半幅寒  
林借鬱然繩牀北際竈西偏巢鶯漫報東橋訊判  
乙曾來長史顛四壁磬懸雙石在比鄰茶話一甌  
緣街坊爛麪名原好不敢隨人作癩眠注王无咎



書水月庵扁在懶眠衚衕水月庵予嘗居在庵南也 潘奕僑三松堂集歲暮懷人詩注乙丑三月與羅臺山有高同寓水月庵七月別去 藤陰雜記接葉亭對門大宅爲華亭王文恭頊齡舊第堂曰錫壽公孫祖庚以保定太守謁選癸未亥丙辰同徵鴻博八人於此劉文定綸詩人間盛事傳衣鉢天上榮光屬斗台謂太守繼文恭舉詞科時惟朱稼翁稻孫亦繼竹垞而舉海內惟此二人錢宮庶載繪七清圖太守補任宣州袁隨園枚亦同舉者因題尾云酒置平津閣證明錫壽堂風前懷祖

德雨後對花光人老衣冠古園深水石蒼分箋賡白雪還似詠霓裳 復初齋集集習庵宮允新寓槐雲吟舫詩堂名錫壽舊傳聞菊借深杯勸客醺此夕團圓追舊雨當年倡和並橫雲 張雲璈簡松草堂集都門過外舅嵇文恭公故第詩有懶眠街裏幾逡巡猶是當年落魄身棲宿曾爲堂上燕徘徊誰問路岐人注時第已他屬 雙佩齋詩集芷塘招集留硯齋詩注乾隆己丑僑寓懶眠衕何與君對宇始相過從 王芑孫淵雅堂集同年何工部道生割宅見處其地在宣南坊之爛麪衕衕



陳用光雙藤書屋詩集序雙藤書屋者余友蘭  
士顏其齋名也 何道生雙藤書屋集楊六士比  
部夢符移居巷南以詩賀之 亦有生齋集移居  
詩注六士近居雙槐堂麓臺司農宅也 復欲亭  
集和陶移居詩自我官京師十年四徙宅自注今  
移居嬾眠衲衲 陳用光太乙舟集移居詩西頭  
有屋計安便壓擔書多策蹇先吉宅從人誇故相  
浮家笑我迫中年詩吟家具孟東野畫寫蘿雲葛  
稚川菜圃花畦料理處解嘲與客說芝田又詩注  
壬申移居嬾眠衲衲嵇文恭公故宅也北鄰藤花

甚盛蓋地本在此宅今已售爲濟南會館矣

七井衲衲 井一

蓮花寺灣

有蓮花寺井一北曰七聖廟有蘄州會館

洪北江年譜嘉慶四年九月二十四日移寓蓮花  
寺待罪與知交相別 案亮吉是時以上書下獄  
謫戍伊犁又庚子北闈獲解時亦寓此 王芑孫  
淵雅堂集蓮花寺讀書圖記予外弟宋廷弼試京  
兆居蓮花寺去余居數十武步履相過從甚樂也  
王蘇試暖堂集上元移居蓮花寺灣有作



箭杆衙衙

醋張衙衙 井一

有弘衍庵

王士禎帶經堂集周愚山侍講過弘衍庵看海棠  
東梅耦長詩韋杜城南十萬家東風處處酒旗斜  
不知冷節愔愔過猶見僧樓一樹花又有庚午重  
過感懷愚山詩 藤陰雜記紀太僕復亨寓此賦  
詩平陽池館亞枝紅移入香奩便不同莫為叢殘  
自憐惜梅家詩體擅江東自注耦長先有三絕句

金井衙衙

西甄兒衙衙

有處州會館西有法源寺唐之憫忠寺也明正統  
閒改崇福 國朝雍正閒 賜今名寺前門在白  
帽衙衙

黃安濤詩娛室詩集戊寅八月自八寶店移居西  
甄兒衙衙齋前棗樹一株接葉檐際退閒輒吟詠  
其下名其詩為棗檐集 尙綱堂集秋日黃霽青  
編修偕潘農部移寓西甄兒衙衙宅奉訪占此以  
贈秋至剛驚白露灑青驢載具鶴移裝行來共說  
潘郎壁徙後休嗤陸氏裝當院閉門先種竹兩家



埽徑合分楊鯉魚風起無邊信早晚鄉書自魏塘  
池北偶談愍忠寺有貫休畫羅漢十八軸

世祖末吳人持以進御者會崩遂粥寺中又見  
宋榮筠廊偶筆 翁方綱復初齋集過王述庵法  
源寺寓齋卽送其南歸詩注述庵昔居此曰蒲褐  
山房又錢湘舲移居聽鐘山房與法源寺比鄰訂  
今春看花小集和香樹老人舊韻詩 案聽鐘山  
房謝金圃先生故居 錢大昕潛研堂集移寓珠  
巢街詩注乙亥二月寓憫忠寺街 黃景仁兩當  
軒集惱花篇時寓法源寺 卷施閣集法源寺訪

黃二景仁病因同看花詩有法源寺近稱海棠崇  
效寺遠繁丁香之句今寺中丁香亦盛又有獨游  
法源寺值馮戶部敏昌同過寺旁亡友黃二寓室  
已傾圯不可入載賦詩 朱方增求聞過齋集有  
移居西甌術術詩草木黃落霜滿庭鯉魚風急鳴  
檐鈴呼奴曉起理燕器新居已卜西南坳碌碌車  
轉兩輪簸長勝短筇堆奇零亦有束筍皮巨篋文  
淵閣本開成經郊島寒瘦到家具路人指點顏爲  
頽蘆簾紙閣幸修潔迴颿不使穿疏櫺晴窗無事  
弄柔翰卷簾坐對西山青況復法源寺最近蕭穆



古木環禪局明春儻值雨新霽著屐探徧花冥冥  
十萬買鄰計更得東西屋住到與丁偶然退食足  
談醜莊諧雜起能忘形容因考室索我飲長鬚奴  
子攜瓦瓶堆盤蔬果頗不惡花豬肉膩魚嫌腥仙  
仙屢舞樂未罄無奈燭跋催客行慙促送客出門  
去仰頭瞥見昏中星坊巷衙衙集宣南坊在新  
城右安門裏東宣武門大街南五牌二十七鋪有  
碧霞元君廟新寺憫忠寺案廟今無考新寺卽  
靜寧寺平致美薊門紀亂史思明僭位於范陽  
建元順天國號大燕六月於開元寺造塔改寺名

爲順天案憫忠寺東西兩甍塔安祿山史思明  
所造見文維簡塞北事實元納延金臺集題雙塔  
寺安史開元日千金構塔基世尊寧妄福天道自  
無私寶鐸游絲冒銅輪碧蘚滋停驂指遺跡含憤  
立多時塔在前明時已毀或指爲慶壽寺之雙塔  
誤也而開元順天之名不著殆後人以安史所更  
諱言之歟王偁東都事略宋眞宗崩仁宗遣使  
告哀遼主集蕃漢臣舉哀令燕京憫忠寺置眞宗  
靈御建道場百日遼史興宗紀重熙十一年十  
二月以宣獻皇后忌日上與太后素服飯僧於憫



忠寺 燕雲錄淵聖至自雲中駐蹕憫忠寺 岳  
珂程史徽祖上賓洪忠宣皓嘗於憫忠寺建筵以  
奠 張養浩歸田類稿天會五年迎旃壇瑞像到  
燕京奉安於憫忠寺 元一統志大延壽寺在舊  
城憫忠閣之東起自東魏元象幽州刺史尉長命  
爲大雲後爲智泉隋爲普覺唐爲龍興大中時賜  
額曰延壽遼金益加完葺海陵天德三年爲宮  
元史泰定帝紀泰定四年正月皇子雲丹藏布受  
佛戒於智泉寺 春明夢餘錄尉使君寺尉長命  
造後改爲智泉則天后時改大雲開元中改龍興

寺在憫忠寺前隋造塔藏舍利處 案智泉寺久  
廢夢餘錄之言本諸唐會昌六年采師倫書重藏  
舍利記記稱寺在子城東門東百餘步大衢之北  
面也舍利塔以是年移憫忠寺景福元年僧知常  
書重藏舍利記有云大燕城內地東南隅有憫忠  
寺門臨康衢知茲地爲唐幽州城之東南隅少南  
有子城其東北則限諸城外矣遼金都城因唐鎮  
城之舊如琉璃廠今隸北城而遼孛內貞墓志謂  
京東燕下鄉海王村聖安寺在今右安門東元時  
雖在舊城中而地名東湖柳村蓋已僻在城隅今



宣武門當元時順承門南而劉崧送客詩有順承門外蕎麥花開之語其地限於舊城外可知蓋遼金都城在今城之西明嘉靖時築入外羅城者特其東南一隅也延壽寺在金元時爲名剎北狩行錄燕雲錄皆云宋徽宗至燕館於寺中析津日記謂在今延壽寺街以明正統六年開渠得斷碑上有大金延壽寺字爲據考延壽寺街西鄰琉璃廠遼金時當爲海王村地金人俘宋宗室置仙露寺欽宗憫忠寺徽欽二宗相見於昊天寺皆在城中相去二三里許而獨置道君於城外海王村之延

壽寺恐不若是之疏也燕雲錄言鄭后體違和淵聖諸后同來延壽寺候問其地當與憫忠寺相近元一統志所云大延壽寺在憫忠寺之東者疑卽徽宗寓居之地析津日記考之未審也遼聖宗興宗屢經臨幸遼史本紀及游幸表今以遼金遺事仍系諸北城而著其辨於此析津志縣山寺在憫忠閣西今已廢之甚矣興禪寺在燕聖安寺之東憫忠閣之西元史禮樂志國史院進先朝實錄儀命左三部太常寺少府監於興禪寺置局元一統志靈虛觀在憫忠寺前蝦蟆北岸內有大



古槐一株 案寺與觀遺址皆無考蝦蟆北岸今亦無是名

簪兒衚衕

北有謝文節祠爲江西公所

宋史謝枋得傳福建行省參政魏天祐見時方以  
求才爲急欲薦枋得爲功枋得見天祐傲岸不爲  
禮與之言坐而不對天祐怒強之而北至元二十  
六年四月至京師問謝太后攢所及瀛國公所在  
向之再拜慟哭已而病遷憫忠寺見壁閒曹娥碑  
泣曰小女子猶爾吾豈不汝若哉不食而死 明

景帝實錄景泰七年九月以巡撫江西右僉都御  
史韓雍之請令原籍所司歲舉祀事仍與文天祥  
同賜諡天祥曰忠烈枋得曰文節 藤陰雜記近  
見卜硯集知公建寧橋亭賣卜一歛硯程文海銘  
永樂中出土三百年流傳至天津周月東焯寶藏  
臨終贈查中丞禮攜之至京徧徵名輩題詠畢秋  
帆制府爲刊行

扁擔衚衕

史家衚衕

小井衚衕



門樓衎衎

舊有青州會館今廢

藤陰雜記陳紫瀾宮詹浩移居門樓衎衎詩數卷  
殘書一酒瓢移家東去尚西郊略無根柢萍浮水  
不費經營鵲有巢知己忽成千里別歸期久媿北  
山嘲右安門近尋芳路且喜春風上柳梢 張穆  
使黔草序道光二十八年四月立夏節後一日甫  
由上斜街移寓門樓衎衎與子貞西輒老屋相近

紫兒衎衎

教子衎衎

教或作  
轆井三

迤南石溝小橋一西有永慶寺有甘肅鄱陽會館  
東小衎衎曰龍鳳坑井一東北有南營箭廠迤西  
有米廠乾隆三年設西城平糶局於此今廠廢而  
猶存其名自教子衎衎以西多回人所居

筠廊偶筆永慶寺最為卑陋僧又然居祖師殿余  
寓北鄰時過訪 曝書亭集趙恆夫所居寄園墮  
池累石分布亭館種花木海內名士入都恆流連  
不忍去 案園在教子衎衎今圯 沈德潛歸愚  
詩鈔移居寄園詩屋角時聞噪晚鴉土牆一帶任  
周遮行人欲認詩人寓老樹村邊第二家苔垣舊



賸玲瓏句土室新安曲盃牀莫語寄園全盛事酒  
旗歌扇已蒼涼 笥河文集趙給事吉士居城西  
古憫忠寺側爲寄園嘗以名其所著說部後園益  
圯剝其一角老樹十餘株尙存前輩名流多居此  
今爲余及門宣城張侍講燾慕青所僑寓取古詩  
庭中有奇樹之義以嘉樹名其屋 復初齋集蔣  
香涇蓮花寺寓齋分飲詩自注寺西爲寄園舊址  
吾師沈榕谿舊居也 翁氏家事紀略乾隆二十  
六年遷居宣武門西轎子衚衕復初齋集心餘穀  
人瘦銅同日移居詩自注趙氏寄園舊址庚辰辛

巳閒予與諸桐嶼王述庵比鄰居時有三家邨之  
目穀人新居卽張涵齋侍講舊居其先王述庵居  
之穀人齋名煙夢舫 甌北詩集序巳卯庚辰予  
與耘松鄰居寄園舊址日夕過從 吳錫麒有正  
味齋詩集辛丑十月移居蒲褐山房卽趙天羽寄  
園故址

麻刀衚衕 井一

馬張家衚衕

熟肉衚衕 井二熟

柵欄衚衕 或作沙 井二



白帽衛衛

有雲南會館大悲院在法源寺前同治初建井一

毛殿井一

天間閣集甲申諸臣傳趙譔字鎮所昆明人舉人  
官御史城陷被獲大罵賊賊憤極諸賊齊奮刀亂  
斫在白帽衛衛死 嘯亭雜錄趙忠愍譔崇禎時  
巡視南城為流賊害於白帽衛衛時黨人氣盛公  
以邊遠士未及攀躋清流故南中祭享及 本朝  
賜諡皆未之及乾隆初同鄉侍御傅某為之表  
白始補諡忠愍立專祠祀之今為雲南會館 藤

陰雜記憫忠寺旁明末侍御趙譔殉節葬此乾隆

二年御史傅為訢奏請 賜諡建景忠庵 案甲

申傳信錄載趙忠愍事與天間閣集略同

小菜街菜或作寺井一

聖安寺街

聖安寺金遺剎也井一

湛然居士集聖安寺庭前有怪柏數此 日下舊

聞宋顯夫南城俚歌十首其四云停驂惆悵聖安

寺後堂空祀李宸妃則寺中留像不獨世宗章宗

二帝也 析津日記寺中金元舊碑無一存者殿



前明碑二怪柏已盡惟有兩楸樹而已其地名東  
湖柳村匪獨湖湮柳亦不見 西陂類稿夏日柳  
湖僧舍詩長楸落晚花又自注云寺在柳湖村楠  
檀佛嘗飛至寺中元學士程鉅夫有記 燕舟客  
話聖安寺一名柳湖中有佛像諸天像四以藤爲  
胎泥金裝飾瓔絡甲冑俱嵌珊瑚青金諸寶石寺  
僧云崇禎時大內賜出 池北偶談寺殿有商喜  
畫壁 藤陰雜記聖安寺竹垞在寺餞曹檢討稱  
寺藏金元帝后及梅檀佛像詩有畫壁商喜留吳  
裝何詭麗絕筆追顧陸纓絡雜佩璫詩句田樂園

需有同孫子未過寺觀畫壁慧明上人出王文安  
所遺飲器貰酒相餉詩 案梅檀像自乾隆閒移  
奉 寧壽宮諸像及楸柏皆無存矣茶餘客話稱  
聖恩寺舊有雙楸樹及古槐乃金時物馬櫻花一  
株宋牧仲手植聖恩似卽聖安之譌今俗亦有是  
稱非斜街口之聖恩寺也金臺集有聖安寺懷古  
詩蘭若城幽處聯鑣八月來知元時寺在舊城東  
南隅矣 元史世祖紀中統三年十一月敕聖安  
寺作佛頂輪會又王磐傳磐以年老乞骸骨行之  
日公卿百官皆設宴以餞明日皇太子賜宴聖安



寺公卿百官出送麗澤門外

牛街井一

南花園井一步軍統領所屬南營守備署在西又南有回人禮拜寺北小衙衙曰香兒衙衙南小衙衙曰巴家衙衙曰家衙衙迤南有吳家橋舊有頭條二條三條衙衙賈家衙衙王老衙衙今皆廢其西南隙地荒冢外多蔬圃少東曰三閒房井一曰大明園井五迤西曰老君地井一其北有峨眉禪林康熙初建西南曰道士觀院元之長生觀也井四曰道士墳明之官園也又西南曰望遠村城南

道院在焉 國初游詠之地今廢

敬業堂集移寓城南道院納涼詩不信人間有鬱蒸好風來處晚涼增滿城鐘磬初生月隔水簾櫳漸吐鐙書少只宜高閣度牆低聊當曲欄憑白鬚道士休相避我已身如退院僧 元一統志長生觀長春正仙翁門弟崇德宋真人所勅建在舊都豐宜關有崇德祠堂記長春宮元學講經宣義大師史志經撰 案長生觀爲元十四道觀之一曰下舊聞已不能指其處今道士觀西有明道士單重亨碑稱葬於長生觀之西南官園之原旁又有



朱升暘等三碑俗稱其地爲道士墳則今之道士

觀爲長生觀遺址無疑元一統志言觀在舊都豐

宜關考豐宜門金之正南門見大金國志茲地當

城南關廂與愍忠寺記門臨康衢之言足資參證

羊肉衙衙 井一

饅房衙衙 井一

乾麩衙衙 井一

南有寶應寺井二寺旁爲明璫王安墓其外山左

義園也井一

雲兒衙衙

花枝衙衙 井一

南燕角 俗訛煙閣井二

西有竹林寺比丘尼居之少南曰燕藁兒藁卽角

之誤也迤東曰大門口曰藁上井三

坊巷衙衙集燕角兒在廣寧門右安門內西南角

明一統志燕角樓在府西南一十五里遼建今

其地猶名燕角 曰下舊聞遼史言燕角樓在東

北隅不知何據稱在府西南一十五里未敢信也

舊聞考今土地廟西猶有燕角兒之名角讀如

稟 案燕角兒今在南燕閣東南與一統志坊巷



衢衢集所記地望正合舊聞考云在土地廟西者蓋約舉之辭今南北煙閣徑三里許皆以燕角樓得名北煙閣直抵便門正遼史所云東北隅也朱彝尊據史言以駁明一統志舊聞已辨其非矣

絨綫衢衢

大川淀

龍王廟井一朱處士野雲山人鶴年建閣其上朱爲彌榜之曰涵秋迤南葦塘數十頃何兆瀛泥雪錄破被斷牆都入畫野雲飛去復飛還後來居者南田裔明月蒹葭不上關注是當日洪北江張船山諸老與

山人謙集地道光閒憚次山吏部曾居此東小衢衢曰小川淀井一

盆兒衢衢

井二

華嚴寺俗稱聖賢庵井一南有玉皇廟道光閒重修改名三教寺井一西爲天仙庵比正尼居之迤南有關帝廟俗稱金頂廟已圯井一盆兒衢衢之西皆曠地也舊有丁家穿店鄒家穿店今皆廢南曰紅水坑井二前有火神廟明宣德四年建碑稱其地爲元之火燄營近廟燬重建僅三楹碑亦毀少西曰萬壽東宮明之弘仁萬壽宮也曰白馬寺



阮地以寺名皆久廢宸垣識略言寺在天官保今罕能舉其名又西曰雙槐樹曰萬壽西官明萬麻開建尙完整額書闕帝廟有神宗御製封號碑并一廟旁舊有松樹頭條二條三條衚衕今廢爲蔬圃井二

藤陰雜記玉皇閣在盆兒衕衕嚴宗伯我斯登玉皇閣詩雙闕煙生縹緲外萬山青在有無中閣在盆兒衕衕析津日記宣南坊白馬寺隋刹也殿後尊勝陀羅尼幢上列仁壽四年正月上旬造寺重建於洪熙元年正統八年賜額有張元楨張文

憲二碑其東僧塔前有古碑爲侵占者所毀矣曝書亭集白馬寺詩仁壽千年寺今存半畝宮苔鐘橫道北瓦塔限牆東客至愁嗥犬僧寒似蟄蟲夕陽留未去雙樹鳥呼風行國錄弘仁萬壽宮萬厯四十三年敕建中爲文昌殿額曰崇真保運左以祀諸葛孔明封號曰天樞上相右以祀文信國封號曰天樞左相皆目之曰真君祀雷神於後殿設禮斗臺最後高閣十三楹曰太極造運寶閣以安昊天上帝有神宗御製碑文督工者司設監林潮內官不學神號無稽知禮者當議輟也案



萬壽宮久廢神像移奉玉皇廟今廟亦頽敝矣

里仁街

在右安門東北距盆兒衚衕一里許井九宛平王志仁作神云有寶塔寺今圯迤西曰半步橋井二又西曰椿樹院井三

右安門大街

右安門俗稱南西門井一宛平王志有右安寺今圯旁小衚衕曰東馬道西馬道曰東衚衕西衚衕迤北有雙橋歧分二道橋之北曰極樂院已圯井凡十又北曰高廟祀關帝今僅存土阜井六少西曰豆兒屯

少東曰櫻桃園井四右安門西半里許曰三聖觀井

一又西南曰火藥局工部所屬濯靈廠在焉井一廠地亘二里許抵城根其外多蔬圃井凡十八

會典事例火藥局一在廣寧門南白紙坊西南又濯

靈廠在右安門內收貯火藥烘藥鉛子

廟兒衚衕

在右安門東迤北曰寶家院

毛家衚衕

此下皆在右安門西迤西曠地井九

劉家衚衕



西南曰趙家井

白紙坊

東南距右安門二里許有呂仙祠菜園井十九迤  
北崇效寺井三古林院祀關帝蓋里社也井六又  
北有聖壽寺傳云唐剎無碑碣可考井三少西爲  
曇花寺明建井一又西爲廣寧門中心臺井九  
坊巷衚衕集白紙坊在廣寧門內西南角五碑二  
十一鋪有小聖安寺大聖安寺寶應寺禮拜寺相  
國寺崇效寺 張遠輿志南城諸坊白紙坊最大  
元於此設稅副使北自善果寺南至萬壽宮西極

於天寧寺皆是也自嘉靖築新城以城牆界之坊  
劃而爲兩矣 案小聖安寺相國寺今無考天寧  
寺在城外白紙坊元時在舊城中而元一統志列  
舊城坊名六十二獨無此名夢餘錄載明南城坊  
名亦無之至坊巷衚衕集始列於宣南坊後然考  
成化閒嚴理安重修善果寺碑已稱宣武關外三  
里許地志曰白紙坊則其名固沿元舊也今居民  
尙以造紙爲業 析津日記元至正初以唐貞觀  
元年所建佛寺賜額崇效嘉靖辛亥太監李朗於  
寺中央建藏經閣閣東北有臺臺後有僧塔三環



植棗樹千株 案臺今圯 藤陰雜記寺在柳湖  
村西名流競游如朱竹垞宋牧仲陳澤州王樓村  
式丹吳荆山士玉繆湘芷沅郭于宮元鈺皆有詩  
王漁洋改名棗花寺寺藏拙庵和尚紅杏青松照  
時康熙庚午漁洋竹垞王吳廬查他山陳香泉孫  
松坪俱有題句 案紅杏青松卷今尙存藏經閣  
後臺已圯元一統志言唐劉總捨宅爲崇孝寺在  
析津志都總管公署左或謂崇孝卽崇效以地望  
準之其說近是然無碑碣可證未敢遽信也 明  
北平圖經志書石經文碑在舊南城白紙坊乃金

舊國子學殿堂門廡皆毀惟餘石碑二通上刻春  
秋經傳及禮記文多磨滅不完 案明一統志與  
圖經志書略同石經舊在汴梁金人移置於此元  
王暉秋澗集有修理大都南京石經事狀其後日  
就湮沒至明季已不復存矣白紙坊自嘉靖築新  
城後畫而爲兩金國學之遺趾限於城外與否亦  
莫可考也

東林街

東距牛街半里許井二西有三官廟井五

藤陰雜記張黃門維赤字螺浮有新園在東林街



龔合肥過飲詩柳市城闔百尺居棗林街裏一囊  
書螺浮有十年霜雪老黃門之句一時名流爭和  
後營

東距牛街半里許井二

黑紙坊

北距南煙閣半里許迤西曰萬人坑東南曰四門  
口北有千佛寺明嘉靖間重建井九

右在廣寧門街南大川從半截衚衕西其東與

北城界

京師坊巷志卷九



京師坊巷志卷十

義烏朱一新同撰

江陰繆荃孫

外城北城

城冊外城地隸北城者日南坊第一鋪東至西河  
沿關帝廟前與中城界南至延壽寺街之中西至西  
河沿響鬧北至護城河二鋪東至觀音寺街寺前與  
中城界南至觀音寺西至琉璃廠橋北至廊房頭條  
衚衕內之高家衚衕三鋪東至琉璃廠橋南至東南  
園西至永光寺中街北至宣武門城根四鋪東至石



頭衚衕之南南至香廠永安橋之東皆與中城界西  
至菜市口五鋪東至大保吉巷與中城界南至南橫  
街迤南西至果子巷北至驃馬市六鋪東至閻王廟  
街之西南至姚家井之西西至半截衚衕與西城界  
北至菜市口又靈椿坊來屬三鋪第一鋪東至陝西  
巷南至虎坊橋皆與四鋪界西至山西街北至臧家  
橋二鋪東至琉璃廠橋南至沙土園西至宣武門大  
街與西城界北至西南園之北三鋪東至臧家橋南  
至魏染衚衕之北西至菜市口與西城界北至南柳  
巷之北

五斗齋衚衕

齋或作麪

大耳衚衕

井一

有婺源會館二

石猴街

汾州營

大弘廟

康熙三十六年僧明泐重建有大學士張玉書碑

胰子巷

三眼井

井一

取鏡衚衕



蝎子廟

七聖廟俗稱蝎子廟井一

北火扇

南火扇

羊尾衚衕

羊肉衚衕

西有回人禮拜寺有惠安會館

柴兒衚衕 井一

有鄱陽會館

笞帚衚衕 井一

復初齋文集跋班馬字類彙日儼居琉璃廠北笞帚衚衕篝鐙孜孜掇拾兩漢字義今三十有二年矣

炭兒衚衕

東小衚衕曰穿堂門

延壽寺街

延壽寺析津日記言宋徽宗北來寓此疑非也詳西城有平樂湖州長元吳諸會館西小衚衕曰泰山巷

杜文端自訂年譜乙丑移居延壽寺街 遼史游



幸表聖宗統和六年四月幸延壽延洪二寺十五年四月幸延壽寺 宋洪皓松漠紀聞燕京蘭若相望大者三十有六然皆律院自南僧至始立四禪寺曰大覺招提竹林瑞像延壽院主有質坊二十八所僧職有正副判錄或呼司空

奈家衲衲 井一

有襄陵會館

東北園 井一

有當塗會館

百花園

櫻桃斜街 井一

有貴州會館二

藤陰雜記櫻桃斜街阮都諫應商寓姪學浩入翰林吳文簡襄贈詩斜街舊雨憶黃門六十年來老弟昆

飯子廟

李鐵拐斜街

有襄陵延定會館又有肇慶會館二

藤陰雜記靈椿坊李鐵拐斜街黃侍郎叔琳父卜居夢祖授以小鉞侍郎果巡撫浙江 韓泰華無



事爲福齋隨筆黃叔琳宅有萬卷樓 彭定求南  
酌老人自訂年譜康熙丁巳寓李鐵拐斜街冬尤  
悔庵彭羨門方以薦舉應試從弟寧求舉丁巳鄉  
試公車至同住京寓 朱筠筍河文鈔蔣編修秦  
樹爲余辛巳分校所得士官中書與余居同巷余  
家在日南坊李鐵拐斜街之北君居在南 案宅  
中有椒華吟舫屢招名流觴詠其弟珪爲兄墓志  
言珪與公同官翰林同車馬者七年乙未珪自山  
西歸乃比鄰居宅後可通往來而伯兄居老屋對  
門珪自名所居曰鄂不草廬 筍河詩集壬辰歲

王介眉先生住余宅卽今椒華吟舫 程晉芳三  
長物齋記壬辰居房師朱先生第篋中有東井硯  
項子京臧鏞坡公名而不字一爲北宋搨聖教序  
一元人畫達摩像錢籜石名之曰三長物齋 魚  
門詩首冬旌節指江淮特遣攜家宿舊齋花事六  
時環近砌市聲三面出斜街南櫻桃斜街北楊梅竹斜街先時  
已寓談詩客謂梁午樓小憩彌深望遠懷是處皆公選  
吟地步趨何術逮津涯安巢自晒鳩謀拙過社行  
逢燕壘新授鉢傳衣倘同例複窗重幕不沾塵風  
簷立雪曾叉手月地看花又得鄰謂曹光祿慕堂孔農部葑谷史  
京師坊巷志卷十 五求恕齋



儀部文  
量輩 饋粥于斯感公甚更無人覺貸租類

燕家衞衙

陝西巷

大小外廊營 井各

有潮州瓊州會館舊有涇陽涼州嚴州會館今廢  
藤陰雜記外廊營為徐文穆本第後歸王文莊際  
華甫興作而 賜第護國寺街因售作全浙公產  
懍存堂尚在 陳句山年譜庚寅八月至京借寓  
汪芴陂給諫新宅九月杪移歸外廊營舊宅

韓家潭

有上虞廣州會館

宸垣識略芥子園在韓家潭康熙初錢唐李笠翁  
漁窟居今為廣東會館 藤陰雜記王文莊初寓  
韓家潭每於中秋前後張樂邸第燕乙丑同年及  
明生堂曰寶言書室曰夢舫 天咫偶聞符右魯  
所居韓家潭牀幃之外書籤畫卷茗椀香鑪列置  
左右几案無纖塵四時長供名花數盎王述庵笑  
謂曰入君燕寢已如在斷橋籬落間使人不復憶  
西子湖矣 咸同閒優伶聚館於此笙歌徹曉車  
馬如雲沈吏部錫晉寓此門聯署十載藤花署三



春芥子園馬號聯云老馬伏櫪流鶯比鄰人傳頌  
之沈寓卽李笠翁之芥子園

後河

井一

百順衚衕

井一

舊有太平晉太會館今廢

李文藻游琉璃廠記乾隆己丑予以謁選至京師

寓百順衕

東西皮條營

萬佛寺灣

臙脂衕

五道廟

井一

自觀音寺前分櫻桃李鐵拐二斜街復并於五道  
廟有三原襄陵會館

明王象乾建玉帝殿碑記正陽門西由臧家橋至  
宣武門乃龍脈交通車馬輻輳之地舊有五道廟  
鎮焉其址廣不數武天中羽士揭眞誠者見而喟  
然曰衝衢應建玉帝行宮率諸威神鎮之斯可也  
經始於萬曆三十五年七月次年告成乞言於余  
文成卽以交龍名碑

梁家園

井二



橋一今已圯壽佛寺設粥廠於此有惜字會館  
一統志梁家園明時都人梁氏建今廢 春明夢  
餘錄梁園在京城之西南廢城邊引涼水河入其  
中亭榭花木極一時之盛 明劉定之呆齋集梁  
氏園外有舊城舊城者唐藩鎮遼金別都之城也  
元遷都稍東於是舊城東半遂入於朝市閒全無  
跡可見而西半猶存號爲蕭太后城卽梁氏園所  
在或謂此雖遼金都城而非唐藩鎮城不然也唐  
時此爲范陽藩鎮安史反後改名盧龍而所治幽  
州薊縣不改亞得非唐藩鎮舊城乎遼金不因藩

鎮以爲都而易因乎且稽諸載記遼金亦何嘗棚  
建都城乎今其城僅存土耳其壁皆爲人取去其土  
皆眞黃土人取之和煤炭以燒亦有卽之作墓者  
以其高堅也 案涼水河今流徑 南苑由張家  
灣入白河夢餘錄所稱梁園引水故道久湮廢矣  
考明正統閒以劉忠愍球言命欽天監正皇甫仲  
和審視宣武門西作減水河利否仲和言門西舊  
有涼水河可疏通以洩水勢此明時河水徑宣武  
門外之確證也嘉靖築新城後並未斷流故梁園  
得引入其中今虎坊橋下有枯渠直抵南下窪蓋



其故道之僅存者餘皆不可考矣元築新城於遼  
金故都東北而以故都城爲舊城元一統志載舊  
城坊名頗悉似新舊兩城本不相屬呆齋集言東  
半入朝市閒以梁園廢城爲西半遺蹟者核其地  
望疑未足據 茶餘客話黃蘭巖民部寓梁家園  
積水到門顏其堂曰半房山後有疑野亭朝爽樓  
前對西山後繞清波極亭臺花木之盛池之南北  
旗亭歌榭不斷游人泛舟竟夜忘返賦詩者甚多  
惟張文端一首尤傳誦 藤陰雜記康熙中龔尚  
書鼎孳招董玉虬文驥梁園李家莊泛舟觀燈詩

云此地足煙水當年幾溯游王橫雲有宋荔裳招  
飲梁家園詩半頃湖光搖畫艇一簾香氣撲新荷  
沈心齋有陳以樹招飲梁家園警露軒詩野曠天  
高啟八窗門前一碧響淙淙舊聞考稱南極於魏  
村似在右安門外今莫知其址但知北城有梁家  
園空曠平原並無煙水余己卯入都但見堆積糞  
土後築官房李吏部調元寓焉築看雲樓有檻外  
遠山排闥繞樓前積水當湖看之聯今有僧募蓋  
壽佛寺設義學 有正味齋日記二十七日過候  
羅碧泉修禊於梁家園昔王阮亭與宋荔裳諸君



會泛舟於此 明程敏政篁墩集京師賣花人聯  
住小南城古遼城之麓其中最盛者曰梁氏園園  
之牡丹芍藥幾十畝花時雲錦布地香冉冉聞里  
餘 匏翁家藏集小南城梁家園往時芍藥最盛  
人多攜酒賞之後其家廢無一本在者

梁家園東西夾道

麻綫衲衲 井一

有淮安陸安郢中諸會館

鐵老鶴廟

廟祀關帝鳴吻上安鐵鶴隨風旋轉以驅烏雀故

名井一有大荔蒲城會館

陳句山年譜乾隆辛未十二月移居鐵老鶴廟  
十閒房

有沔陽會館

姚元之竹葉亭雜記步軍統領俗稱九門提督舊  
秩三品嘉慶己未六月二日 皇后關防出 神  
武門有恆謹者不之避兵部罪步軍統領不能稽  
察時爲定親王攝此職 上以布彥達賚代之定  
職從一品設左右總兵秩正二品其巡撫五營改  
中營爲提標副將爲提督南左二營參將以下竝



所轄之十汛歸左翼總兵管是年十月定總兵每  
人在南城外輪住半月以十閒房鄭源燾鈔沒官  
房爲公所六年改左翼總兵駐城外右翼總兵駐  
圓明園

前孫公園

有錫金泉郡廣州七邑會館

查慎行敬業堂集宮友鹿寓孫公園與唐實君趙  
蒙泉楊端木同巷僕及姜西溟家聲山相距稍遠  
友鹿作比鄰詩索和便與中央成鼎足姜居西舍  
我東鄰自注時余居琉璃廠東 董潮東皋雜鈔

錢唐洪昉思昇著長生殿傳奇一時名士張酒治  
具大會生公園名優內聚班演是劇主者爲眞定  
梁相國清標具柬者爲益都趙贊善執信虞山趙  
星瞻徵介館給諫王某所不得與會因怒乃促給  
諫入奏謂是日 皇太后忌辰爲大不敬

上先發刑部拏人賴相國挽回後發吏部除名者  
五十餘人 案劾趙者爲黃給事六鴻是時值

孝懿仁皇后國卹非忌辰也董說多誤生公  
園卽孫公園 翁方綱復初齋集壬辰春還都賃  
孫公園屋以居中有合歡一株因名青棠書屋



孫淵如年譜癸丑移居孫公園宅故多變怪局戶  
數年無人敢居者君與主人約減租改宅君以天  
罡塞鬼戶時杜寅方後戶宅遂寧有枯松復生同  
人繪圖爲詩以紀其事

興勝寺 井一

大興張志作興聖誤

行國錄永興寺折而東有興仁寺南向其建置年  
月無考 宸垣識略今十閒房有興勝寺疑爲興  
仁之譌寺有明天啟二年銅鐘康熙辛巳長洲汪  
士鋐書禪林清閒額 藤陰雜記興聖寺在琉璃

廠南胡南荅曾恩有大雪步至興聖寺訪沈存田  
一揆詩用東坡聚星堂雪韻近潘榕堂司馬汝誠  
寓寺雪中召客亦用聚星堂韻

後孫公園

有台州安徽如泰諸會館

藤陰雜記孫公園後相傳爲孫退谷別業前爲安  
州陳尙書第後有晚紅堂吳白華官翰林時賃住  
爲茶陵彭大司馬維新舊宅宅後一第有林木亭  
榭沈雲椒侍郎寓焉有蘭韻堂詩云市地清陰三  
伏候參天老樹百年餘 葉繼雯裕林館詩集移



居詩注庚申冬移居後孫公園卽退谷研山堂也

吳清鵬笏庵集李氏園詩注卽孫少宰承澤故

園之一隅也 案孫氏別業今爲安徽會館曝書

亭集有集孫侍郎研山齋詩其旁餘屋道光時劉

侍御位坦居之東洲集有宴集詩

玉皇廟 井一

有富平東西二會館

臧家橋

有渭南朝邑會館

日下舊聞海波寺街南有清厥潭上有龍王堂又

南東爲章家橋又南爲虎坊橋西南爲潘家河沿  
計新城未築時無地無水今故道皆不可考矣

大小安南營

小安南營井一

東南園 井一

桶子衚衕

大沙土園

杜文端自訂年譜壬辰授編修居沙土園

小沙土園

有崑新會館



琉璃廠南夾道 井一

吳玉綸香亭文稿壬午夏遷於琉璃廠南夾道王  
漁洋之舊寓藤爲漁洋手植 潛研堂集題吳香  
亭鴻臚古藤詩思圖海王之村近書市新城尙書  
曾卜廬藤花一本手所植歲久翦敗惟枯株又云  
比鄰更續程舍人自注謂程魚門 案漁洋舊寓  
宸垣識略言在火神廟西夾道與藤陰雜記合吳  
氏所云疑傳聞之誤

八角琉璃井 井一

有渭南會館

洪北江年譜嘉慶元年二月移居八角琉璃井官  
房有亭池樹石之勝 趙懷玉亦有生齋集方比  
部體移居八角琉璃井招集適園祭詩卽洪大舊  
居也

西南園

琉璃廠

橋一工部所屬琉璃窰在北窰前隙地曰廠甸有  
呂仙祠廠東門有觀音閣北爲火神廟歲正有廟  
市迤西有仁威觀真武廟延壽庵南小衚衕曰鐵  
胳膊衚衕北小衚衕曰火神廟西夾道曰雙魚衚



術亦稱門牙術術曰仁威觀夾道曰小香殿  
會典事例康熙四十年議琉璃亮瓦廠房屋例徵  
地租今改爲按閒收租交大興縣徵解戶部凡官  
員有力之家徵銀貧窮小民准按季徵錢四十一  
年議徵錢者量免其半隻身貧寒之人免徵房租  
仍以官地起租雍正三年 諭嗣後止徵地租免  
其按閒計糧逐月輸納 藤陰雜記廠東門內一  
宇相傳王漁洋曾寓手植藤花尙存近程魚門晉  
芳移居以詩寄袁太史枚有勢家歇馬評珍玩冷  
客攤錢問故書之句袁笑曰此必琉璃廠也 孫

淵如年譜歲己酉居琉璃廠校刊晏子春秋高麗  
使臣朴齊家爲書問字堂額 洪北江年譜乾隆  
五十四年二月應禮部試居孫君星衍琉璃廠寓  
齋 復初齋詩集自注乾隆癸巳開 四庫館卽  
於翰林院藏書之所分三處凡內府祕書發出到  
院爲一處院中舊藏永樂大典內有摘鈔成卷彙  
編成部者爲一處各省采進民間藏書爲一處每  
日清晨諸臣入院設大廚供茶飯午後歸寓各以  
所校閱某書應考某典詳列書目至琉璃廠書肆  
訪之是時江浙書賈奔轅輦下書坊以五柳居文



粹堂爲最 李文藻琉璃廠書肆記略廠東西可  
二里許廠東書肆凡二十家中有二酉堂或曰前  
明卽有之謂之老二酉其略有舊書者惟京兆堂  
積秀堂二家又西而南轉沙土園北口路西有文  
粹堂肆賈謝姓頗深於書又北轉至正街有橋橋  
居廠中間北與窯對橋以東路狹多參以賣眼鏡  
煙筒日用雜物者橋西街闊書肆外惟骨董法帖  
裝潢字畫鐫刻碑版耳橋西賣書者才七家五柳  
居在路北舊書甚多多璜川吳舍人企晉家藏書  
又西爲延慶堂肆賈韋姓頗曉事而好持高價有

曹棟亭家書數十部多宋槧本又西爲廠西門門  
外無鬻書者 案琉璃廠書肆蓋盛自雍乾以後  
李氏所舉諸肆今皆易名矣茲錄其著者 宸垣  
識略鐙市向在東安門外今散置正陽門外花兒  
市琉璃廠豬市菜市諸處而琉璃廠尤盛廠前陳  
設雜技鈺鼓聒耳游人雜沓市肆玩好書畫時果  
耍具無不畢集自正月十四五至十六七而罷名  
曰逛廠 有正味齋日記新年朝元會罷士大夫  
聯裾接襪以縱游觀至收鐙而止謂之光廠百戲  
之屬則有演書跳鞦韆料虎馴熊幻技喬妝窮變盡



巧 倚晴閣雜鈔琉璃廠瓦有黃碧二種明代各  
廠俱有內官司之殿瓦之外所置一曰魚瓶貯紅  
魚雜翠藻於中一曰琉璃片以五色渲染人物花  
草煉成嵌入窗戶一曰葫蘆大或至徑尺其色紫  
者居多一曰響葫蘆小兒口銜噓吸成聲俗名倒  
掖氣一曰鐵馬懸之簷以受風戛者也 鮑鈺春  
游詞車駐雕輪馬駐鞭手拈瓜子步差肩排門盡  
啟君平肆趁賺癡兒問福錢叢脞書多卷帙殘幾  
人著眼笑寒酸南沙畫片香泉字幅幅裝他骨董  
攤料絲羊角燦成行簇帛堆紗錦繡裝歲歲鐙棚

變新式鼇山結撰到西洋像生花草捻泥人鼓板  
笙簫小店陳風景不殊笑語雜句人情緒武丑春  
明水軒日記工部設五大廠其一曰琉璃廠燒  
作甗瓦及內府器用 案吳偉業讀史偶述詩琉  
璃舊廠虎房西月斧修成五色泥徧插御花安鳳  
吻絳繩扶上廣寒梯 潛研堂集乾隆庚寅三月  
琉璃廠窯戶掘土得古墓棺槨不具而骨節異常  
人旁有一石眠其文則遠銀青崇祿大夫檢校司  
空行太子左衛率府率兼御史大夫上柱國隴西  
李公墓誌銘也督廠工部郎中孟澐募人改葬於



故兆東二十步別買石書李公官位表於道而誌石則仍瘞之其文駢麗頗可誦略云公諱內貞字吉美媯汭人以保寧十年六月一日薨於盧龍坊私第以八月八日葬於京東燕下鄉海王村案此石當時仍瘞墓中世無拓本潛研堂集笥河文鈔均有記具錄世系官閥而錢記加詳舊聞考所錄與笥河文鈔同錢又有詩見本集

南柳巷

有建寧晉江華州諸會館舊有江震會館今廢行國錄永興寺在宣北坊柳巷之南寺東向案

寺今尙存有正德十五年鐘一藤陰雜記廠西門外爲南北柳巷徐愔園出都韓慕廬王橫雲送至柳巷口占賦贈柳市涼吹送客颺高談二妙有新辭二公乃司寇壬子所取士

北柳巷

有南豐廣西會館

西北園

井一

鐵廠

南小術術曰鬼門關

洪北江年譜嘉慶四年三月抵都寓同年戴刑院



敦元鐵廠寓齋

前鐵廠

步軍統領所屬南營守備署在北

後鐵廠

有敘州會館北抵西河沿有大隱庵餘姚鄉祠也

明嘉靖間建有康熙六十年重修碑

亦有生齋集自海波寺街移寓鐵廠用竹垞韻詩

閉門隨意著巾屨出擁陳編蕭字齋絕似三家村

裏住寺鐘隱隱出前街注巷內居人只三家前爲

大隱禪林天咫偶聞後鐵廠義學相傳爲張文

敏公照之故居余友人王逸珊寶田居此逸珊欲  
倩余補書法華庵額未果而移去

大溝沿

南河沿井一

迤東屬中城踰河爲北河沿宣武門外東城根也橋  
一內城東溝水出水關後徑橋下入護城河橋西井  
四有響聞

湯右曾懷清堂集宣武門東城下曉行詩老去應  
官有底忙未明先起攬衣裳人從雅鵲聲中出路  
入輪躡影裏長牖下已添秋水勢城陰初散曉煙



光隔河樓上花枝好尙護重衾半篆香

香鑪營頭條衢

有撫州會館舊有江山會館今廢

三松自訂年譜嘉慶丙辰三月到都寓香鑪營韓  
桂舫吳槐江時相過從 王友亮雙佩齋集秋日  
書懷次桐嶼韻飄零我亦惜秋殘賴有深杯取次  
乾已逝年華彈指易未來事業稱心難徙居兩處  
仍爲客臥病兼旬可罷官攬鏡不須嘲飯顆天生  
骨相本多寒注時移寓香鑪營頭條衢 商盤  
質園詩集我從弱冠游神京儼居曾記香鑪營密

通往還潘太史恢諧跌宕倪先生自注潘謂允敏

香鑪營上下二條衢 井一

上下三條衢

上下四條衢

梅曾亮柏槻山房文集與王叔原札啟者峻生舊  
宅曾亮儼居名四條衢在宣武門左

上下五條衢

有廣西會館

茶食衢

六條衢



香鑪營夾道

海波寺街 井一

海波寺見坊巷衚衕集久廢有廣西潁州澧州順德潮州會館

曝書亭集儼宅宣武門外庭有藤二本檉柳一株  
旁帖湖石三五可以坐客賦詩又自 禁垣移居  
宣武門外詩 詔許移家具書難定客蹤誰憐春  
夢斷猶聽隔城鐘 案此康熙甲子彝尊初罷禁  
職自黃瓦門移居詩也在此纂日下舊聞見自敘  
集中如古藤書屋送人詩云我攜家具海波寺九

月未槁青藤苗夕陽倒影射檉柳此時孤坐不自  
聊遲湯右曾詩云檉葉綠如繖藤花紅滿擔復有  
紫藤花下作花下醉歌送吳魏二子聯句檉柳聯  
句坐青藤下燒竹火鑪試武彝茶聯句己巳二月  
乃移下斜街詩云不道衰翁無倚著藤花又讓別  
人看當移居時查慎行贈詩有儼居會向春明宅  
好借君家善本書之句又有閏夏共飲古藤書屋  
限藤檉二字詩王士禎有戊辰來京竹垞邀飯古  
藤書屋食鮑魚半翅觀米海岳研山圖詩 趙吉  
士寄園集甲戌元夕飲於章雲中翰漢翔古藤書



屋詩坐嘯三休叢桂老居停五易古藤留自注寓  
爲金文通之俊甲午舊邸遞傳龔芝麓何蕤音朱  
竹垞以及中翰五易主矣 藤陰雜記何蕤音元  
英寓此名丹臺書屋王橫雲未遇時飲屋中詩云  
龍門百尺邈難登喜到高齋對古藤汪蛟門詩護  
持勞太傅燕賞愜尙書留得清陰在重爲水部居  
康熙丙辰竹垞有飲何少卿藤花下詩 東舍詩  
評曲阜孔東塘尙任燕臺雜興詩藤花不是梧桐  
樹卻得年年引鳳皇自箋宜興蔣京少景祁寓古  
藤書屋予與阮亭先生數過談朱竹垞黃俞邵周

青士諸公先後寓此 藤陰雜記孫松坪致彌移  
居詩一枝許借卽吾廬莫笑生涯瑣瑀如時與王  
雲岡同寓管青村榆詩王猷與共孫登嘯宋玉堂  
爲庾信居是爲康熙庚辰今古藤靠壁鐵幹蒼堅  
古色斑剝洵百餘年物特屋未弘敞大第已析爲  
三四宅西偏賃施小鐵回卿朝幹移居時余贈有  
依稀詩老留題處想像賓筵載酒餘之句繼而知  
古藤在東鄰余往屋內訪之主人繪圖示客又閱  
竹垞集有馮檢討勛招諸同年集六枳園對菊詩  
可怪南鄰馮檢討則其地亦似在海波寺街 趙



懷玉亦有生齋集移居詩小序癸丑八月自青廠  
移居海波寺之古藤書屋朱竹垞檢討舊寓也再  
案騰笑集序庭有藤二本檉柳一株旁帖湖石三  
五可以坐客賦詩余寓舍藤止一本而檉柳湖石  
皆在右鄰余氏有藤一本而距此頗遠豈余氏別  
一本所謂二本者僅存其一耶既屬李君秉德作  
圖且乞同人賦詩紀事

永光寺中街

永光寺元爲萬壽寺 國初設粥廠於此今仍之  
有重慶永靖會館

藤陰雜記梁藥亭佩蘭寓永光寺與朱悔人宋山  
言醉後放歌吳鑑南璜隨父璞庭寓寺側生子商  
寶意盤寄詩原是釋迦親抱送永光古寺翠微僧  
庚辰成進士由農部任知州殉木果木難吳超亭  
興宗題其遺集云朱邸賜蓮宵禁肅永光擊鉢曉  
鐘寒 元納延金臺集萬壽寺懷古詩皇唐開寶  
構厯劫抵金時絕妙青松幢清涼白玉池長廊秋  
屨響高閣夜鐘遲獨有乘閒客扶藜讀古碑自注  
寺有許道寧畫屏

方壺齋



乾隆三年置北城平糶局於此今廢

藤陰雜記傳謹齋副憲移寓方壺齋相傳爲田山  
薑故寓吳白華贈詩云夾巷笙歌喧北里殘年冰  
雪愛南榮詩翁倒作鴻臚長乾驥論才價未豐田  
時官大鴻臚傅爾時亦長鴻臚云 亞谷叢書言  
京師戲館比年如方壺齋蓬萊軒昇平軒最著今  
諸園皆廢惟方壺齋屢易新名人尙稱方壺齋城  
西僅此一館春初尙盛在永光寺西街 案今亦  
廢其地猶仍舊稱

永光寺西街

有四川新會順德諸會館西小衚衕曰八寶甸曰  
棗林

黃安濤詩娛室詩集丙子仲冬自黔回京僦屋宣  
武門外八寶店以八寶名其集

北極庵

庵祀元帝有明萬厯閒朱之蕃碑有鳳翔會館

前後清厰

清或作青

前清厰井一有武陽四川廣西鳳翔漢中榆林諸  
會館舊有順德會館今廢迤西曰鹿角衚衕

日下舊聞永光寺東清厰有巨潭元果洛易之萬



壽寺懷古詩云清涼白玉池疑卽是也 孫淵如  
年譜乾隆五十二年丁未會試中式授編修時寓  
青厰卽今武陽會館 張問陶船山詩草有過青  
厰舊宅詩

椿樹衙衙

小椿樹衙衙

汪沆小眠齋稿集堇浦寓齋看丁香詩頗憶前年  
上巳後小椿樹巷經旬樓殿春花好壓擔買花光  
浮動銀留翠

椿樹上下頭條衙衙

井一

會讀西小衙衙曰八寶園口

有績谿龍谿新城諸會館

錢辛楣年譜乾隆癸酉秋移寓椿樹頭條衙衙

張祥河小重山房集移居椿樹衙衙詩聊從後巷

遷前巷爲卜今年勝舊年

上下二條衙衙

井一

有永春邵陽會館

太乙舟詩集先君官京師時買宅椿樹衙衙庭中  
植藤花甚盛及余來居而藤無存因買藤種之作  
補藤篇以記其事又家大人以椿樹二條衙衙宅  
作藜川新館所供像及記文自家大人出守後皆



佚去予既補作後記又購得聖像供奉前堂敬題

絕句

上下三條衙衙

北城吏目署在下三條衙衙北又有絳山長沙會館

藤陰雜記椿樹三條衙衙汪文端由敦寓以所藏快雪時晴帖顏齋曰時晴公後賜第東城申拂珊副憲甫接住賦詩沈雲椒初和作有小齋數典紀時晴之句申甫笏山詩集注椿樹寓舍本汪文端公別宅西偏屋數椽雅有樹石公自署曰時

晴齋舊割以居他姓近始並僦之又題吳香亭銀

臺古藤詩思圖注我時僦居時晴齋花前置酒招

朋儕紫藤傳是匠門值晴香撲撲縈襟懷注舊爲

張匠門先生寓居紫藤一株卽其手植花時甚盛

大椿樹衙衙

西草廠衙衙

井一

有正覺庵有安福會館

藤陰雜記姜西溟湯西厓移居詩椿樹前頭巷先

生卜宅成似今之西草廠衙衙又吳突煙通舍查

溝水過灣謂吳元郎環查聲山昇皆鄰並又云吾



老欣同巷歸休願息關 潛研堂集移寓詩自注  
壬申十二月寓草廩衎衎僧舍

魏染衎衎

井一

有南城會館

畢沅靈巖山人詩集梁瑤峰移居魏染衎衎相傳  
爲吳梅村舊寓詩清華江右盡聞聲祭酒當年最  
擅名故國鵲唳餘舊痛畫梁燕壘又新營敦槃乍  
啟思前輩花木重栽悵隔生我是婁東吟社客辦  
香私淑不勝情 敬業堂集庚寅秋以槐移湫隘  
不能容遷居魏染衎衎西鄰棗樹一本已纍纍垂

實矣余下榻於東偏故名棗東書屋 藤陰雜記  
張匠門繆湘芷於此餞飲又吳文簡襄舊宅 賜  
額蘭藻尙存沈東田方伯寓此東有飼鶴軒後祝  
芷堂德麟曹劍亭錫寶俱居之湯西厓亦寓此有  
旁人錯比揚雄宅異代應教庾信居之聯迤南大  
宅金檜門總憲瑛第有一經齋 復初齋集史胄  
司夔亦曾寓此 案前明吳梅村故宅吳文簡居  
之史胄司亦居之

四川營

井一

有延安四川諸會館

京師坊巷志卷十

二十七 求恕齋



藤陰雜記四川營四川會館相傳秦良玉勤王至京駐師於此後改石芝庵旋作會館王樓村集有石芝庵四律而不及秦事京師亦別無石芝庵也

殷家院 井一

有海昌正定會館

棉花頭條衙衙

步軍統領所屬南營都司署在北有川東會館

上下二條三條衙衙

上下四條衙衙

有惜字會館

上下五條衙衙

有圓通庵

六條衙衙

曾文正年譜道光二十年十二月移寓棉花六條

衙衙路北

上下七條衙衙

有貴州會館

蔣祥墀自訂年譜壬戌寓棉花七條衙衙

八條衙衙

鄭梁寒邨年譜康熙三十年十月移居棉花八條



衞衞時官戶部湖廣司主事

九條衞衞

有天仙庵

裘家街裘或作仇井一

有臨川雷陽會館

甌北集歲暮移寓裘家街贈諸桐嶼有與君迭代尋常事誰定蘧廬作主人注桐嶼曾寓此

山西街山或作陝

有地藏庵有甘肅夔州會館

鐵門井一

北城正指揮署在東有宣城廣信會館

程迓亭箕城雜綴虎坊橋在琉璃廠東南其西有

鐵門前朝虎圈地也 漁洋詩集過宣城館有感

詩暮天黃葉落一過西州門無復高人跡空聞宿

鳥喧新阡思挂劍舊館憶開尊南望澄江水誰招

屈宋魂自注施愚山故居 愚山集移寓寄宋牧

仲詩書聲不敵市聲喧恨少蓬蒿且閉門此地棲

遲曾宋玉蘚牆零落舊題痕 姚文田蘧雅堂集

乙丑正月卜居鐵門詩自注宅南為北城指揮宅

開有益齋讀書志緒曾壬午舉於鄉癸未謁師



於鐵門之第 縵仇亭集和陶移居詩自注嘉慶  
己卯居鐵門先君舊寓也余生於是年十三始歸  
里

右在宣武門街東煤市橋觀音寺街石頭衙衙  
西虎坊橋驢馬市街北其東與中城界西與西  
城界

外城北城

驢馬市大街

卽南大街井一黎明市曰西小市元帝廟明建前室  
祀馬神亦稱馬神廟有王熙劉廷玉二碑設驢馬稅

局於此有直隸三晉中州諸會館迤東有橋曰虎坊  
橋明虎房遺址也今橋北小巷猶有是名井一有天  
仙庵有福州湖廣宜昌三原襄陵曲沃杭州諸會館  
南小衙衙曰九道門檻北小衙衙曰磨臍衙衙曰虎  
房在魏梁衙衙西

藤陰雜記竹垞己未同徐檢討欽移寓虎坊橋輯  
瀛洲道古錄查他山別譚都諫瑄詩宣武門東舊  
宅虎坊橋畔憑闌可惜手栽紅杏花開又讓人看  
似皆橋西賃宅閻恭定循琦廓而大之繼居者王  
韓城趙副憲陳無軒焯肄業成均館韓城邱中宋



芝山葆暉作湘管齋圖題屋宇韻七古和者甚眾  
朱笠亭炎諸君又合作一圖無軒蒼詩後錄爲湘  
管聯吟又毛西河會鴻博同年於眾春園各賦一  
詩始未知其地偶見筆肆招帖乃卽今虎坊橋西  
炭廠也 邵齊燾玉芝堂詩集虎坊橋新寓有作  
潛研堂集移寓詩客居燕臺兩寒暑有似澤雉  
游樊籠虎坊菜市三易寓去住蹤跡風轉蓬 紀  
昫姑妄聽之余虎坊橋宅爲岳威信公故第廳事  
東偏一石高七八尺云是雍正中初造宅時所  
賜移自兔兒山者余又號孤石老人以此宅有青

桐數百年物也惜蟲蛀一孔兩漬久而中朽遂枯  
黃安濤真有益齋文編癸酉秋仲始偕舍人曾  
君崑圃僦屋於宣武門外虎坊橋之側屋爲前大  
宗伯紀文達公故居乾隆間大將軍岳威信公枬  
築者也文達裔孫割半見賃中有室類舫者曰岸  
舟有若堂者曰閱微草堂履聲已遙題署可識蓋  
文達昔年燕閒撰著之所於斯在焉 紀昫如是  
我聞虎坊橋西一宅南皮張子畏故居也今劉雲  
房副憲居之中有井子午二時汲則甘餘則否  
太乙舟詩集和葉雲素移居詩相公舊第亦前緣



廉讓風高願執鞭朝典夙諳原望重楹書誰讀況  
兒賢長齋自守庚申夜修綆誰爭子午泉一笑元  
龍樓百尺也辭故宅賦新篇注宅爲王文端舊居  
有子午泉 案此卽如是我聞所紀之宅許宗衡  
玉井山館詩餘漢陽葉名禮作橋西老屋卷子著  
橋西雜志內有風雨懷人館亦見詩集 陳句山  
年譜庚辰二月自棉花衚衕移居虎坊橋 莫友  
芝邵亭詩鈔國子學正劉棻雲傳瑩招同曾學士  
國藩小飲虎坊橋寓宅歌以爲別又有歸來素居  
過三載憶予往往夢虎坊之句

鐵香鑪

雙五老廟

大小保吉巷

保吉亦作  
包家井一

穿心衚衕

阡兒衚衕

阡或  
作拴

蠟燭心衚衕

東甌兒衚衕

有竈王廟有福清會館舊有浦城會館今廢

塔兒店

高廟



香廠井一

有永安橋橋東隸中城廠北有萬明寺元之水漸庵也其後門亦在虎坊橋大街

羊毛衚衕

南下窪

亦稱窰窪有東嶽廟都城隍廟歲清明中元十月朔都人祭賽有廟市自左安門迤西至永定門亘十餘里其曠地皆下窪也蔬圃外多荒冢康熙五十九年曾禁城內叢葬乾隆後乃漸弛見會典事例  
徐乾學憺園集邀陳說巖太常同姜朱二翰

林虎坊別墅宴集詩市南虎坊園幽居帶林薄雅堪延野色憑眺有菌閣極望郊壇樹微風韻遙鐸  
案曝書亭集亦有徐尚書載酒虎坊南園聯句  
詩康熙二十七年戊辰歲也考說巖於二十六年由戶部尚書轉吏部平生未歷官卿寺太常系太宰之訛至姜湛園以諸生入直史館食七品俸故聯句詩稱著作閱九年丁丑科始舉一甲進士改官翰林是時不應與竹垞同稱翰林憺園集或後人標錄之疏也 案其地當近下窪今無考

羅家井井一



趙家井 井一

膠房

崇興寺衞衞

有福州福清莆陽理化諸會館舊有鄞縣會館  
坊巷衞衞集正南坊有保安寺響鼓廟崇興寺  
行國錄崇興寺明天順四年敕建 大興張志寺  
在粉房劉家

響鼓廟

舊聞考廟北距崇興寺數十步踞高阜前後神宇  
各三楹縱橫不踰半畝僧云廟舊制如此有萬厯

癸未鐵磬一 案廟今尙存比正尼居之

粉房琉璃街

大興張志作粉房劉家是也有汾水延平晉江廉  
州解梁萍鄉萬載河南懷寧新會天津諸會館  
田雯古懽堂詩話己未余領冬曹節慎庫七月自  
橫街移居粉房巷先至其處督奴子搬家具闕坐  
久作詩題壁有東野家具少於車牆角特立山薑  
花之句俄而漁洋至見而和之次日徧傳都下和  
者百人 陳兆崙紫竹山房集移居和阮裴園學  
浩韻時與阮同日移寓梁新居卽僕舊賃也詩有



云鏡原無盡傳何代粉已成灰賸有坊自注近寓  
粉坊琉璃街 齊召南賜硯堂集句山移住粉坊  
疊韻詩兩髻公據東西壘三館人聯遠近坊自注  
張南華鵬翀周石帆長發寓占東西 舒位瓶水  
齋別宋于庭詩云未必著書眞覆醬定知得句不  
稱鹽注于庭寓其妹婿繆薇初中翰玉銘粉坊街  
寓妹能詩

潘家河沿井一

西有彌陀庵晉陽庵舊供古銅大士像於此後移  
眼藥庵有懷慶吉安黃陂餘姚淮山諸會館舊有

江南江西齊魯渭南會館今廢 案明時曾引涼  
水河入城徑虎坊橋以達於下窪疑此並河之地  
也說見前

錢辛楣年譜乾隆十七年秋移寓潘家河沿仍與  
褚鶴侶同居次年偕鶴侶及吳杉亭習算術得宣  
城梅氏書讀之寢食幾廢 復初齋集壬辰九月  
移居潘家河沿置所刻蘇題英德南山米題藥洲  
二石於齋壁邀同人作蘇米齋詩 崇百藥齋集  
移寓彌陀庵詩自注院中有古槐二株數百年物  
也 鐵槎山房見聞錄寓潘家河沿內室後一層



有槐樹一株大不能合抱蓋數百年物蓮亭名克

襄文登人

堂子衙衙

賈家衙衙

有歸德高州高郡開封蘄水永州江震諸會館

顧嗣立自訂年譜康熙三十八年六月抵京寓賈

家衙衙 賜硯堂集夏日從橫街移居賈家巷卽

句山舊宅原宅又爲余接居疊韻八首有晨夕好

趨前輩句自注謂張月槎漢沈勉之榮仁張南華

鵬翀李玉洲重華彭芝庭啟豐寓皆鄰近 尚綱

其堂集偕謝向亭移居宣武坊之賈家衙衙 駱文

忠年譜戊戌移寓賈家衙衙 曾文正年譜道光

三十年四月移寓賈家衙衙路西

放生園

韃子營 井一

曾文正年譜道光三十年十月移寓韃子營關侯

廟與同年錢振倫同寓

閻王廟街 俗訛延旺井一

有瀘州懷寧會館迤南曰張相公廟有雲南會館

舊有壽張會館今廢



宸垣識略張相公廟在延旺廟街舊爲關帝廟康熙二十二年蕭山紳士重建祀文武二帝暨宋封浙江潮神靖江王張公有少詹事周之麟碑 師友小傳汪尙書守和邸第在張相公廟 皇朝通典雍正三年浙撫疏請廟祀江海保障諸神乃封宋張夏爲靜安公廟祀蕭山縣

驢駒衲衲

或作驢珠

有河閒奉新廣西會館

駱文忠年譜乙未移寓驢駒衲衲

果子巷

井一

程庭停驂隨筆四日余肩輿入彰義門至汪子周士寓余因曹師暨汪許二子不便分住乃改寓果子巷口李氏之館 劉鴻翱綠野齋記余官京師寓居果子巷之西偏房十七間內別一院精治爲書室額之曰綠野齋 胡書農年譜乙丑五月移寓果子巷內族曾祖文恪公高望宅時叔祖祖福官刑部招同陳丈扶雅同居集中有重過嘉樹堂感事詩指此 曾文正年譜道光二十年六月移寓果子巷客舍病熱危劇幾不救九月乃愈

大吉巷

井一



有撫州會館

三松自訂年譜乾隆癸未與同年胡士震賃屋同

寓大吉巷

羊肉衲衲

有奉新旌德惠安諸會館

關帝廟夾道

保安寺街

井二

保安寺少東有玉皇廟明崇禎二年建有三水會

館豐城新舊會館

成克鞏重修玉皇廟碑余所居之右有玉皇廟

青門旅稿小序已未客都門寓保安寺街與阮亭  
衡宇相對愚山相距數十武冰修僅隔一牆其年  
寓稍遠隔日輒相見常月夜偕諸君扣阮亭門坐  
梧桐下茗椀清談達曙愚山贈行詩蹋月夜敲門  
貽詩朝滿扇蓋紀實也又與阮亭尙書書奉別將  
十年固憶寓保安寺街蹋月敲門諸君箕坐桐陰  
下清談竟夕恍然如隔世事 王士禎香祖筆記  
海寧陸冰修嘉淑昔在京師與施愚山梅耦長每  
夕必過予邸縱談至夜分始別陸有絕句紀事科  
跣到門衣不船蓋方言也 查慎行直廬集王學



庵給諫移寓保安寺街寄詩次答轆轤便轉石欄  
邊儼屋曾棲蒲褐禪古井再經愁雨塌舊交重聚  
得天憐明鏡照壁何愁蠍綠樹當門定有蟬稍待  
泥乾走相覓看君新竈起茶煙自注余壬午癸未  
閒曾儼居此街 藤陰雜記陳黃門台孫寓保安  
寺旁有雙槐軒又寺有奇石梁少司空敦書寓寺  
前移置庭院名曰垂雲作歌阮吾山司寇和移居  
云曾有詩翁屐齒經自注此地爲漁洋舊居漁洋  
自題得樹堂詩老樹空庭得堂因老樹名未審卽  
此宅否又孫松坪集徐虹亭鈞寓齋阮亭舊寓也

庭中老椿二株近百年物招飲賦詩憑將盡取藍  
田墅古木城拘共盍簪似又一宅非保安寺街  
翁氏家事紀略乾隆五十四年移居保安寺街  
亦有生齋集移居古藤書屋胡學士長齡用竹垞  
得要字韻見贈次韻奉答詩注君時寓保安寺  
包頭章榭衙

翁氏家事紀略乾隆十八年十月婦韓氏來歸時  
遷居包頭章榭衙

兵馬司前街

明南城兵馬司在正陽門街其屬署疑當在此井



一  
有正味齋日記乾隆癸丑十月徙兵馬司前街  
洪北江年譜嘉慶元年二月僦兵馬司前街 劉  
嗣綰圍鑪集序時寓宣武坊兵馬司前街

中街

有南城慈谿望江諸會館

尚綱堂集留別兵馬司中街寓卽題壁間

後街

王友亮雙佩齋詩集移居兵馬司後街詩寂寥深  
巷戶長扃朱轂頻過莫暫停下第心情同槁木倦

游蹤跡類浮萍地連蔬圃偏宜雨人接薇垣小聚  
星獨有歸思袪未得北窗欹枕夢漁汀注同年周  
青原張瘦桐金蘭畦皆鄰也

箭杆衙衙

扁擔衙衙

米市衙衙 井二

東有關帝廟有中州江陰光州六安重慶南海諸  
會館

池北偶談康熙丁未上元夜於禮部尙書王公崇  
簡青箱堂恭觀 世祖章皇帝御畫山水小



幅 藤陰雜記王文貞崇簡有青箱堂沈曰濩受  
弘詩西園地接紅塵陌東第門開白玉京容園見  
孫松坪詩 宸垣識略青箱堂在米市衙衙關帝  
廟北今歸胡大司寇 藤陰雜記曹文恪秀先第  
在米市衙衙癸巳仿真率會邀程文恭嵇文恭吳  
恭宣紹詩張總憲若淮崔司寇應階蔣少司馬元  
益戊戌再集易以蔡漳浦周文恭煌羅總憲源漢  
有七人元旦五百歲之句朱石君以二老同年十  
九科爲對指蔡公也 程晉芳三長物齋後記王  
辰余寓房師朱竹君先生齋中作三長物齋記閱

十年壬辰蓋長住米市九載矣昔之東井研古墨  
聖教序皆爲他人有檢點故篋尙有宣和哥窯鑪  
端石圭硯一靈璧脫砂硯山一復顏屋之南軒曰  
三長物齋 研經室四集屠琴鳴庶常倬將出爲  
縣令所寓米市衙衙有古藤二株自繪書屋圖卷  
索題 尙綱堂集移居米市衙衙卽琴鳴之雙藤  
書屋也 躬恥齋詩鈔小序辛卯夏入都居宣南  
米市衙衙用荀子儒效篇杆杆自足之意以名寓  
齋 錢儀吉衍石齋記事稿兄子昌齡補官至京  
師予方假館繆氏澄觀之居卽今潘相國世恩米



市大宅也遂同居 求聞過齋集道光甲申余移  
寓京師米市衚衕亦園爲王宛平相國故宅乙酉  
寓廬槐生五芝姪昌頤聯捷得殿撰 許宗衡玉  
井山館集壺園詩朱坊紫陌宣南路舊井秋槐尙  
夕陽當日園林盛賓客一時文讌有滄桑自注地  
在米市衚衕有井又老槐一株道光乙未丙申閒  
徐廉峰寶善居此名曰壺園

繩匠衚衕

或作丞  
相井一

北有伏魔寺有中州休寧潮州諸會館小衚衕西  
曰小井衚衕井一東曰口袋衚衕

宸垣識略大學士陳文簡元龍邸在繩匠衚衕

聖祖御書愛日堂額西有園亭通北半截衚  
衕藤陰雜記云似是錢少司寇維城宅今歸查氏

又徐檐園司寇碧山堂雨中宴同館諸公詩積  
雨衝泥會故人高齋當暑似蕭晨十年冉冉存雙  
鬢百載茫茫集一身緱嶺仙人曾憩洛高陽才子  
正游秦今朝佳宴逢休暇莫厭當筵酒瓊頻時孫  
岷瞻同作堂在繩匠衚衕今改作休寧會館屋宇  
軒敞爲京師會館之最其南其北昔爲秦文恭姜  
司寇劉司農宅當日自合而爲一故能容滿堂珠



履漁洋假歸門人黃叔琳李先復胡閏餞於碧山  
堂查他山飲徐尙書碧山堂花下詩謝公別墅近  
城壕載清曾陪飲興豪孫松坪有冠山堂呈健庵  
先生詩宣武門前卜築寬過從忘卻在長安冠山  
或卽碧山 籀石齋文集紀心齋楚游集序乾隆  
壬午春正書于丞相衙衙之寓廬 潛研堂詩集  
自注予以壬申六月入都寓繩匠衙衙年譜云與  
褚鶴侶同寓 洪北江年譜乾隆丁未偕孫君入  
都寓繩匠衙衙 吳蔚光素修堂詩集有遷居繩  
匠衙衙詩用厲樊榭續集中移居詩韻 曾文正

年譜道光二十一年八月移寓繩匠衙衙北路東

戴熙習苦齋集丁未春予寓居繩匠衙衙之南

余女歸吳氏者在其北相望也又偕邵蕙西訪曾

滌生學士詩冷官如僧舍如剎入門但少孤磬夏

巷北樞曹肯相過高論汨汨奮頡滑爲語巷南有

閣長濯濯麋羣彼尤點

庫堆衙衙

堆或作嚴

有瀏陽會館

大井衙衙

井一

崇百藥齋三集星齋藤花書屋填詞圖自注度香



尚書大井衙衙藤花甚盛今盛五洲光少居之

南北半截衙衙

巷東隸北城西隸西城南衙衙并一有江寧黟縣  
山會諸會館西小衙衙曰七閒樓北有吳興潼川  
兩會館

宸垣識略七閒樓在南橫街南半截衙衙口卽怡  
園也康熙中大學士王熙別業相傳爲嚴分宜別  
墅北半截衙衙有聽雨樓則東樓別墅今歸查氏  
樓於道光庚戌拆修正陽城樓 顧嗣立年譜康  
熙五十年三月移寓北半截衙衙顏其居曰宣南

一廛 王士禎居易錄怡園水石之妙有若天然  
華亭張然所造然字陶庵其父號南園以意拗爲  
假山以營工北苑大癡黃鶴畫法爲之峰壑湍瀨  
曲折平遠經營慘澹巧奪畫工 茶餘客話華亭  
張漣能以意疊石爲假山子然繼之游京師如  
瀛臺玉泉 暢春苑皆其所布置王宛平怡園亦  
然所作 王崇簡青箱堂集正月十六夜兒熙張  
鐙怡園侍飲詩閒園暮靄映簾櫳秉燭游觀與眾  
同月上空明穿徑白鐙懸高下滿杯紅承歡春酒  
煙霞窟逐隊銀花鼓吹中共羨風光今歲好昇平



惟願祝年豐 藤陰雜記怡園跨西北一城賓朋  
觴詠之盛諸名家詩幾充棟胡南荅會思牡丹十  
首鋪張盡致查查浦集有公孫枚孫景曾庚辰招  
集怡園詩已非全盛湯西崖怡園感舊詩今日城  
南韋杜少舊時池上管弦多汪文端感宛平酒器  
詩注園已毀廢數年是爲乾隆戊午此後房屋拆  
賣殆盡尙存奇石老樹其席寵堂曲江風度賜扁  
委之荒榛中今空地悉蓋官房相傳吾鄉沈翰翁  
太史少游京師被酒過橫街值怡園諸姬歸院失  
避以爆竹炙面而歸故先君上元絕句云宣南坊

裏說遺聞丞相園林步障分猶記笙歌歸院落一  
時憔悴沈休文 案毛奇齡集宛平相公園林詩  
有纔到射堂門啟處門紗映出一山藍行過摘星  
巖畔望紅亭高出碧雲閒之句知園中有射堂摘  
星巖也 又聽雨樓相傳爲嚴分宜東樓前後卽  
其舊址汪苻洲侍郎曾寓見王樓村集近章約軒  
謙恆自四松亭移居有醉經堂古藤書屋得石軒  
松石閒精舍槐蔭館綠天小舫桐華書塾同人分  
體賦詩今歸查氏其旁爲吳興會館自是樓旁餘  
屋 案查慎行敬業堂集有集聽雨樓詩 弁山



年譜甲申十月移居宣武門外聽雨樓樓後二小  
軒湯少宰石曾書額曰得石有聽雨樓存稿四卷  
查浦詩鈔同楊尚木中訥移寓半截弄詩衣篋  
書囊不滿車傍誰池館覓新華雲離翠岫原無主  
燕值雕梁便是家隨地可賒邀月酒有錢先買探  
春花故園不是無茅屋夢裏寒梅一徑斜癸巳使  
廣東還京仍移半截舊寓呈湯西崖院長周桐埜  
宮端湯則南鄰周則舊寓此宅詩云纓絡藤梢架  
未蕪自注中庭紫藤係宮端手植名起渭貴筑人  
藤陰雜記秦鑑泉大士寓半截衚衕庚辰庭產

芝草長君承恩中式作瑞芝詩庚寅又茁一芝次  
子承業中式賦後芝詩又齊次風召南移寓半截  
衚衕賦詩八首阮裴園檢討學浩與弟學濬和韻  
巷南迫近橫街 船山詩草自官菜園上街移居  
北半截衚衕詩有菜園屋券價已昂我寧扣俸租  
官房之句今改江蘇會館

右在半截衚衕東驟馬市虎坊橋街南板章衚  
衕西橫街北與中城西城界

南橫街 井一

迤西隸西城井四舊有禮部所屬會同館今廢有千



佛庵圓通觀又有華嚴庵有祥符嘉興全浙淮安孟  
縣涇縣粵東諸會館南小術術曰椅子圈荷葉廠  
雙佩齋詩集八月初一移居橫街用元遺山長壽  
新居韻車響麟麟駐厨煙縷縷斜陰雲初解駁淡  
月已生芽載具知無幾隨緣信有涯囊中詩帳在  
一紀五移家 宸垣識略王文貞家廟在繩匠術  
術南析爲民居有王氏宗祠四字顛刻尙存 藤  
陰雜記橫街有第乃怡園之一隅向爲王氏世守  
後賃張總憲若淮吳少宰嗣爵韋約軒謙恆自黔  
回京再入詞館賃住怡園廢址尙賸四松乃構亭

於松石間顏曰四松栽花樹二十餘本又購有椒  
書屋方桃杏盛開屋又轉售賦留別詩 案今粵  
東會館當卽其地 又劉文定綸初寓橫街移居  
詩僕夫忽報趨朝早小樹鬚髯夜氣濃此去天街  
多半里驚心幾杵丑時鐘又程文恭景伊第在橫  
街有綠雲書屋文定題云仙雲童童覆瑤席仙人  
展坐春無跡笑認窺檐老樹枝此是吾家道南宅  
錢辛楣年譜乾隆甲戌移寓橫街讀漢書撰次  
三統麻衍四卷秦文恭邀余商訂五禮通考休寧  
戴東原初入都造居士寓談竟日歎其學精博明



日言於文恭文恭欣然與居士同車訪之爲延譽  
由是知名 曾文正年譜道光二十年正月入都  
寓千佛庵二十七年三月復寓南橫街北 查禮  
銅鼓堂集移居橫街詩碧玉山房春落花春風催  
我更移家此身萬歲歸何著兩歲三遷似泛槎檢  
點詩書攜作伴街鄰酒肆說堪賒據經作竈仍無  
突愛聽松聲日煮茶

官菜園上街 井一

有光州鎮江四川香山諸會館浮梁會館已廢迤  
南二里許近城根曰姚家阮與西城界井水清冽

曰姚家井其旁又有三井迤東至 農壇井凡八  
街西里許曰大明園又西曰官園皆時蔬圃也街  
疑以是得名官園俗稱道士墳詳西城 卷蔬閣  
集葉舍人雯移居官菜園上街東作圖索詩謁來  
都門三易居菜圃開處眞吾廬盤盤老樹橫街後  
分半貯書嫌不穀鎖廳退直事亦忙日力苦短書  
聲長談心時接北街李聯句尙有南頭王自注謂  
李小松編修王惕夫孝廉 錢辛楣年譜乾隆己  
丑秋再入都仍寓官菜園上街 船山詩草官菜  
園寓齋卽事官園菜把亦虛名白草黃蘆接地生



屋後遠山時露影窗前細雨乍聞聲

興隆街

錢警石年譜嘉慶六年辛酉侍沈太恭人移寓外  
城興隆街 錢儀吉衍石齋記事稿杭大宗蒜市  
雜記序余居興隆街東去蒜市蓋十里 案今興  
隆街居民寥落絕無邸舍矣

珠巢街

有揚州雲南成都諸會館迤南有觀音院  
潛研堂集移寓珠巢街與王禮堂夜話詩積潦晴  
餘聚白沙新晴雨後避青芽荆高酒伴如相訪白

紙坊南第一家刻燭論心水乳投廿年親串意綢  
繆前身兄弟機雲侶分占東西屋兩頭 如是我  
聞辛卯夏余自烏魯木齊從軍歸僦居珠巢街路  
東宅 蔣士銓忠雅堂詩鈔吳蓀圃舍人璟移寓  
珠巢街與余隔巷作詩柬之 尙綱堂集周穉圭  
同年自粉坊琉璃街移寓珠巢街步行特訪 繆  
毓亭集和陶移居詩自注嘉慶庚辰移居珠巢街  
南堂子衲衲

有法華寺迤南曰板井井一東有關帝廟明刹也  
井一又南半里許曰東珠營西珠營井四有龍泉



寺龍樹寺西有太清觀明萬厯閒建今重修  
茶餘客話城南舊有龍爪槐僧言三百年物前輩  
集中不多見徐電發鈞菊莊詞話白門紀伯紫云  
壬子季夏與合肥龔宗伯山陽陳階六黃門台孫  
同飲龍爪槐下填詞此地 國初亦名流屐齒  
所常到也 案寺前老屋三楹額曰蒹葭籜東洲  
草堂集有題龍樹寺蒹葭籜圖詩 茶餘客話封  
氏園一作風氏與龍泉寺相近楊禹江集有丙戌  
夏陪宋商工過龍泉寺觀風氏園古松之作 藤  
陰雜記風氏松見諸家題詠宋牧仲借諸名輩倡

和詩皆長篇王樓村宮友鹿尤擅場後高文良其  
倬賦長歌濃陰數畝自周遮橫列十人容坐語至  
雍正時鮑西岡有悼松詩已無存矣 繆湘芷沅  
集風氏園旁數武有武家窯與黑龍潭相對水木  
清華渚激環互風日澄霽宛似江南李總憲柎將  
於此移築廣陵館仙去不果丙戌重過賦五古一  
章今黑龍潭左右一望黃沙夏秋菱蘆叢薄誰復  
知有風氏園者 宸垣識略封氏松相傳金元時  
物查慎行有過園飲矮松下詩 胡承琪求是齋  
詩集偕同人游城南多氏園林詩案多氏園今亦



無考矣 藤陰雜記城南刺梅園士大夫休休餘暇往往攜壺榼班坐古松下觴詠閒作譚舍人吉璉佐郡延安同官於此祖餞聯句五十韻高太常層雲繪以爲圖詩載朱竹垞集竹垞同何侍御元英飲松下詩禁煙高柳徧龍潭未得同游祇自慚又刺梅園餞陸進詩刺梅園裏青松樹笑我重來竟白頭孫松坪致瀾詩好覓南鄰朱檢討典衣還醉刺梅園 案曹貞吉游黑龍潭還過刺梅園詩刺梅花未發有約故人來落葉紛如夢松風對舉杯園當在黑龍潭北今悉爲葦蕩其旁又有祖園

陳維崧詩誰割龍潭景添成物外游徐乾學飲禊祖園詩舊游農壇西紫閣鬱連畛宸垣識略謂爲左都御史祝氏別業考西河詩話祝家園在安定關西關左祝御史別業梁清標桂枝香詞所謂賞心樂事祝家園裏也祖祝音近方言固易混淆然準諸地望參以舊聞吳氏之言殊未足據又右安門外亦有祖園

四屏園

屏俗說平

藤陰雜記毛西河四屏園送吳郎中歸里賦詩園在橫街口荒冢纍然



紅土子店

黑陰溝

東有三聖庵迤南有火神廟又南里許曰黑窯廠  
明工部五大廠之一也亦曰南廠 國初設滿漢  
監督後裁并一其東半里許曰黑龍潭舊爲禱雨  
之地有龍王亭今圯西南里許曰陶然亭  
舊聞考黑窯廠明時製造甄瓦之地康熙三十三年奉  
旨交窯戶備辦此廠遂廢其地坡隴高下  
蒲渚參差都人士登眺往往而集焉 宸垣識略  
廠今廢窯上建眞武殿三楹翼以小屋道人居之

路口有靈官閣坡徑迂迴盤折而上名曰窯臺閒  
搭涼篷設茶具重陽後葦花搖白一望瀾漫可稱  
秋雪沈德潛有登高詩 藤陰雜記黑窯廠登高  
詩充棟惟漁洋四律蒼涼沈鬱龔芝麓花朝讌集  
又招汪茗文王阮亭李湘北陳其年饒董玉虬以  
秦州雜詩分韻徐憺園有陳悅巖太宰招同竹垞  
西溟黑窯廠最高處燕集詩張幄以禦風重氈覆  
青油芳茵藉促坐曲几羅庶羞似支搭帳幄未有  
亭閣 案鮑桂星覺生詩鈔黑龍潭康熙中爲讌  
游之地徐憺園王橫雲集俱有詩胡南茗九日集



潭詩北望雲霞雙闕迴西來紫翠萬峰攢張匠門  
大受游黑龍潭地爲新城尙書游讌處賦詩 又  
春日瑤臺看雪詩又有雪後登瑤臺詩改窯爲瑤  
萬光泰柘坡居士集陶然亭康熙乙亥江郎中  
藻所建取白居易更得菊黃新釀熟共君一醉一  
陶然 藤陰雜記陶然亭又名江亭有記勒石百  
餘年來遂爲城南觴詠之地春秋佳日宴會無虛  
亭前廊以軒楹可容小部名家集中多有登覽之  
作查他山詩望遠村東緩轡游忽從飲馬得清流  
自注余寓城南道院在望遠村去亭二里近人詩

以曹習庵仁虎穿荻小車疑坐艇出林高閣當登  
山爲絕唱 東洲草堂集自注舊亭有王孟津書  
大字扁 案亭在觀音庵西偏壁嵌江藻陶然吟  
其序稱京東南隅有慈悲庵又大興張志觀音堂  
在珠營湯右曾有秋日登大悲庵後亭詩皆卽今  
觀音庵也庵有遼壽昌中慈智大師石幢稱茲地  
爲京東證以長生觀之在豐宜關智泉寺之在子  
城東門外憫忠寺之門臨康衢地望悉合舊城東  
南遺址約略可知矣長生觀智泉寺俱詳西城

右在半截衚衕官菜園上街東虎坊橋驪馬市



街南板章衚衕西其東與中城界西與西城界  
舊坊考

南城在今城西南唐幽州藩鎮城及遼金故都城也  
孫承澤春明夢餘錄幽州城周二十五里城中凡二十

八坊坊有門樓有廟賓肅慎盧龍等坊並唐時舊名  
宋路振乘軺錄案南城亦謂舊城唐幽州鎮城有薊北坊見濮陽卞氏墓志詳前元

初設左右二院右院領舊城西南西北二隅坊門之名四十有二西開陽坊南開遠坊北開遠坊清平坊美俗坊廣源坊廣樂坊西曲河坊宜中坊南永平坊北永平坊北揖樓坊西縣西坊棠陰坊薊

賓坊永樂坊西甘泉坊東甘泉坊衣錦坊延慶坊  
廣陽坊顯忠坊歸厚坊常寧坊常清坊西孝慈坊  
東孝慈坊玉田坊定功坊辛市坊會仙坊時和坊  
奉先坊富義坊來遠坊通樂坊親仁坊招商坊餘  
慶坊郁鄰坊通和坊左院領舊城東南東北二隅  
舊坊門之名二十東曲河坊東開陽坊咸寧坊東  
縣西坊石幢前坊銅馬坊南薊寧坊北薊寧坊啄  
木坊康樂坊齊禮坊爲美坊南盧龍坊北盧龍坊  
安仁坊鐵牛坊敬客坊南春臺坊北春臺坊仙露  
坊元一統志舊聞考此具錄金時坊名其坊位  
界至久已湮沒今以析津志元一統志五城坊



巷衙衙集所載寺院基址考之則歸義廢寺在今  
彰儀門大街北當為時和坊都土地廟在今土地  
廟外當為延慶坊宣武門外萊市西嘗發地得仙  
露寺舍利石匣當為仙露坊吳天寺當為棠陰坊  
竹林寺當為顯忠坊紫金山寺當為北開遠坊大  
皆在宣武廣寧二門之間案銅馬坊以銅馬門  
得名鄺道元昔慕容龐有駿馬赫白有奇相逸力  
立銅馬象處四十九矣而駿逸不虧儁奇之  
至儁光壽元齒圖其象親為銘贊鑄其奇  
比鮑氏驄命鑄銅一統志析津志皆云門在舊城  
象成而馬死矣元一統志析津志皆云門在舊城  
東南隅日下舊聞謂當在德勝門外八里土城  
關考舊城在外城西南隅銅馬門又在舊城東南  
隅則今廣寧右安二門之閒是舊蹟也德勝門  
外土城關乃新城遺址明徐達改築北平時限  
諸城外朱說似未核鐵牛坊以鐵牛廟得名元一  
統志云廟在舊城東南近東城北路土蕪鐵牛露  
春人因祀之析津志謂鐵牛大廟在城南城施  
仁門內東南玉田坊當以玉田觀得名南燼紀聞

謂少帝到燕京居安普寺後徙居城東玉田觀  
聞雖僞書要其所記寺觀自足據也今遺址皆無  
考又春臺坊有天寶宮甘泉坊黃土坡有玉清觀  
開遠坊有元禧觀玉田坊有崇仁寺歸厚坊有薦  
福寺康樂坊有圓明寺舊名三學寺咸寧坊有崇  
聖寺皆見元一統志今亦無考其故蹟有可稽者  
具見前篇王惲秋澗集言大都玉馬坊耿氏石獅  
水猛出如霧考元時新舊兩城皆無玉馬坊或其  
後改名未可知也朱彝尊謂元宋襲為其兄作行  
狀稱學士生於大都為美坊今五城坊巷無此名  
蓋未審襲所舉元初設大都警巡院領京師坊  
者舊城坊名耳  
巷事建置於至元十二年至廿四年省併止設左  
右二院分領京師城市民事二十五年分定街道  
坊門翰林院擬定名號福田坊阜財坊近庫藏金  
城坊玉鉉坊近中書省保大坊近樞密院靈椿坊



毋遊坊明時坊近太史院鳳池坊近海子在舊省  
前懷遠坊在西北隅安富坊太平坊大同坊文德  
坊金臺坊穆清坊近太廟五福坊在中地泰亨坊  
在東北寅方八政坊近萬斯倉八作司乾寧坊在  
西北乾位時雍坊咸寧坊同樂坊壽域坊宜民坊  
析津坊近海子康衢坊進賢坊嘉會坊在南方平  
在坊在北方和寧坊智樂坊地近流水鄰德坊有  
慶坊清遠方在西北隅日中坊地當市中寅賓坊  
在正東西成坊在正西由義坊在西市屬義居仁  
坊在東市東屬仁睦親坊近諸王府仁壽坊近御

藥院萬寶坊大內前右千步廊坊門在西豫順坊  
甘棠坊五雲坊大內前左千步廊坊門在東與萬  
寶對立湛露坊近官酒庫樂善坊近諸王府澄清  
坊近御史臺元一統志坊名元五十乃翰林院侍書  
學士虞集所立外有數坊爲大都路教授時所立  
里仁坊在鐘樓西北發祥坊在永錫坊西發祥坊  
西北大街甄斗拱扁溥光最爲年遠三相公寺前  
善利坊樂道坊好德坊招賢坊在翰林院西北善  
俗坊在建德門昭回坊都府南居賢坊國學東監  
官多居之鳴玉坊在羊市北展親坊惠文坊草市



橋西請茶坊海子橋北訓禮坊咸宜坊順承門裏  
 倒鈔庫北思誠坊東皇華坊明照坊與上相對蓬  
 萊坊天師宮前南薰坊光祿寺東遷善坊可封坊  
 在健德門豐儲坊在西倉西析津志案里仁坊以下不列虞集五十坊名之內其名或起於元末析津志言煤市在修文坊前修文坊亦未見或即文德坊之別名志又言拱木市在城西柴炭市集市在干斯倉鶴鶴市在喜雲樓下其遺址今無考矣餘俱見前  
 北平府設坊三十三五雲坊保大坊南薰坊澄清  
 坊皇華坊賢良坊明時坊仁壽坊思誠坊明照坊  
 蓬萊坊湛露坊昭回坊靖恭坊金臺坊靈椿坊教  
 忠坊居賢坊寅賓坊崇教坊凡二十坊屬大興縣

萬寶坊時雍坊阜財坊金城坊咸宜坊安富坊鳴  
 玉坊太平坊豐儲坊發祥坊日中坊西城坊凡十  
 三坊屬宛平縣明北平圖經志書案京師雖此明初未建都城之制  
 設順天府兩縣而地方分屬五城每城有坊中城  
 曰南薰坊澄清坊仁壽坊明照坊保泰坊大時雍  
 坊小時雍坊安福坊積慶坊東城曰明時坊黃華  
 坊思誠坊居賢坊朝陽坊南城曰正東坊正西坊  
 正南坊宣南方宣北坊崇南坊崇北坊西城曰阜  
 財坊金城坊鳴玉坊朝天坊河漕西坊關外坊北  
 城曰崇教坊昭回坊靖恭坊靈椿坊發祥坊金臺



京師坊巷志卷十

坊教忠坊日中坊關外坊每城設御史巡視所轄  
 有兵馬指揮使司設都指揮副都指揮後改兵馬  
 指揮使設指揮副指揮革知事增吏目春明夢餘錄  
 代坊名多沿元舊其地今尚可稽散見於前又夢  
 餘錄之保泰即保太安福即安富河漕西坊即西  
 城坊自建朝天宮後又分爲朝天坊明制以今外  
 城爲南城夢餘錄所舉南城七坊皆今外城地也  
 其東城之朝陽坊西城北城之關外坊所轄皆外  
 廂地然此亦嘉靖以後之制若羅城未築以前其  
 詳不可得聞矣考明天順一統志彭城衛在萬寶  
 坊萬寶之名始於元至天順間尙存後改稱小  
 雍坊者當卽其地志又云刑部在貫城坊大興左  
 衛在日照坊則諸錄皆無之足徵其前後改并不  
 也







